



商務叢談敘

樂清陳

明撰

院次濟四

神州衰旺託根殷實公私盈溢鷹麟萬邦鑽究富源厥在商務
西方諸國利權勇爭奮作工政茂捐綿力國家之嗜商業如魚
醉餌軍府之護商氓如鳥翼殼華民禱昧生財乏徑俯首帖耳
奴役南洋製造不繳百貨阻滯種植不工妙產銷沒故別區一
目猶爲撫攬庶上而紆珮披戴得所謀國下而操算握籌知所
肥室寸楮之間市情畢繪欲富亞土亦足觀焉光緒丁酉孟春
日

商務叢談卷一目錄

富國報言

鑄錢開局

局中市錢

商務公會

緞業日盛

礦務日盛

臺疆銀行

香港商務

比較日貨

蘇埠日興

浙礦擬開

鐵路興工

山西鐵路

商訂新章

鐵道出關

公議中國銀行章程

高設銀行

利權獨攬

杭絲開貨

茶稅新章

滬上鑄錢

劃定租界

貿易穩法

商部咨文

稟改郵章

民局改章

華茶漸衰

改聘礦師

海關稅項

譯西報論梧州通商事

滬上商務日盛

俄國興商

論中日通商條約

自來火公司之利

天津創設自來水 俄更商埠 各省錢荒
法士論商 外國各種布價 新茶消息
英員購樣

商務叢談卷一

富國報言

英富國報載英領事駐紮各國每年詳報冊內於開辦新埠保守
舊埠各節極爲講究法商部大臣見之卽照知巴黎商務局皆當
效英商之法信內英商商務兩次告白皆須用日本文字一律開
例法商務局接信後卽寫傳單告知各處畧謂英日報本局已經
頒行尙望各法商暨報館協同刊印法日報本如英商一律辦理
云 錄十二月十八日新聞報

鑄錢開局

蘇藩聶方伯以錢串短少而設官錢所刻之票已於十二月二十
六日發交源康厚生等錢莊計共四家每家各一萬千其票自五
百文至一千文爲止諭令各莊家趕卽分派行用并由方伯委候
補縣朱大令往上海購辦銅鉛於廿一日運到發交總捕府劉司

馬驗收存貯寶蘇局又委前署新陽縣吳兆楣大令辦理寶蘇局事務大令遂即邀集爐頭會議仿浙省新章配合銅鉛每千文重約五斤每卯鑄錢一千串給費錢一百八十千而各爐頭以向章每千串須費二百念千僅敷開銷現當米珠薪桂恐遭虧折未即定議旋有在浙鑄錢之湖北人投轅自願照一百八十千之價承辦方伯允之業已開爐鼓鑄每日可出錢二百千之數一時市上大爲鬆動英洋每元可兌錢九百零五文云節正月初三日蘇報

蜀中錢市

蜀省制錢缺乏已非一朝曩者鹿制軍禁革私錢於是私錢漸少而制錢亦聲價愈高去歲成省城每銀一兩僅易錢一千餘文重慶每銀一兩僅易錢一千零數十文制軍慮及錢荒乃漸弛私鑄之禁出示省城內外准民間通用官板小錢復勅設官錢鈔票以濟其窮而民間未克暢行依舊錢荒爲患刻已開支公款購定

鼓鑄銀圓及銅錢機器一候運到即可開爐鼓鑄以濬利源矣錄

正月初四日申報

商務公會

西報載比利時國設有萬國稅則公會辦理已閱五年每年須屬入會各國咸將稅則刊報宣示此舉實有裨於商務宣單一出即可預先核計何國關稅較輕何國貨物銷路暢旺以便運往售賣易於獲利入會各國遇有更改修訂稅則之處即可報明公會登入報章傳播周知每年會中一切費用俱由入會各國捐輸誠良法也錄正月初五日滬報

緞業日盛

江甯土產以緞業爲大宗故城箱內外織緞爲業者多至九千餘家每家緞機多者數十張少亦十餘張一二三張不等每年所出之貨不知其幾千萬億緣營口京城天津河南廣東漢口等處銷

場日廣故機戶日見增添自中東構釁北省道路阻營口京城天津河南四處緞客不至廣東銷路亦滯惟漢口一處銷市如常省垣機戶多有謀他業者迄今中外輯睦各路緞客仍然紛至較前有加無減是以今年緞機頓添五千餘家連前共有一萬四五千家庭出貨日多且無停滯各業亦大有起色蓋省垣市面恆倚緞業以卜興衰云 節正月初五日蘇報

礦務日盛

金陵棲霞龍潭林山雙石嶺石爛山各處開採煤礦已久現聞馬扒井黃龍山兩處均有煤礦可以開採近有世職易君泰瑜等鳩集資本洋五千元具稟礦務總局懇將兩礦歸其承辦胡芸臺觀察以馬扒井一處原可歸該世職等承辦但需將資本五千元揭收莊票呈驗並將本局試辦該礦時所用經費如數繳償方准給諭接辦至黃龍山一處在督憲劉峴帥前曾早飭查勘故必俟峴

帥派員勘明稟復後乃能定官辦商辦之法未便遽論該世職等開辦若該世職等因馬扒井一處不願接辦不妨明白稟復以便另招他商等因懸批後未識易君等人若何辦法省垣礦務日見興隆於此蓋可見矣 錄正月初六日滬報

臺疆銀行

臺疆富紳李春生等協議在臺北開設銀行定資本洋三百萬元云 錄正月初九日蘇報

香港商務

香港爲通商口岸查上年港中各行獲利最厚者以麵粉爲巨擘次則爲火水花紗米市蓋火水花紗二項通年價值有漲而無減卽或間有微跌然不久亦復再起至於米市則價值雖佳惜來貨稀少而各項洋貨本貴利微銷場亦無甚起色烟土一行則因價值起跌無常似難弋利至於小本營生百工居肆寸金尺土房租

飛漲異常。支持亦覺不易。此市塵大概細情也。約正月十三日申報

比較日貨

英泰晤士報接駐日訪事函云。閱諸處新報。盛稱日本工賤。且能仿造西洋貨物。從廉售賣。卽以氈帽論。日本所製之帽。得值洋元數分之銀。卽可售賣。價實廉於英。日本織造貨亦皆可與英織貨比較。所造兩輪腳踏車。又可暢銷於天下。西洋人聞之。皆向駐日洋商詢問。且請寄樣報價。不知日貨告白。傳聞雖遠。終於日本銷售。凡向駐日洋商詢問貨色。一概不合英市之用。亦不可供美市之用。是日人所製之帽。不能銷於洋市。卽所織之貨。如以堅固經久而論。亦非賤於英貨。故德法英美等國多不願用。西洋美洲。於氈帽織貨。踏車三項。均以機器製造。而其所用機器。咸係奧妙之具。日人豈能以其現用造法。輒與英人比較優劣。先以腳踏車論。日貨欲與英貨爭衡。必須於國內豎立造車機器。且於機器原值價外。至少亦須多出十分之二。以付運貨船腳保險等費。苟非如此。卽不能立機器。機器立後。僱用機器工人之費。亦難少於英國所費。緣英國需一工人者。日本至少須用三人。方可蕪事。此可見英日貨物之高低矣。錄正月十四日新聞報

蘇埠日興

蘇垣葑盤門外。本係荒涼之區。自開商埠以來。商務異常踴躍。大有蒸蒸日上之象。今歲新正。適逢天氣晴朗。遊人紛至沓來。人山人海。擁擠異常。市面亦爲之一旺。茲將自盤至葑店鋪依次詳錄於左。盤門吳門橋一帶。有松茂磚瓦行。上林館麵店。戴生昌官輪局。蕭宜泰稱戲店。萬和樓糖食店。同安招商棧。同昶永洋廣貨莊。鳳來閣烟間。恆昌雜貨店。采鳳樓茶館。清風明月樓茶室。青雲閣蘇膏店。余昌隆水菓店。直上青雲樓茶室。孫雨田醫室。吳泰源客

棧同泰烟店。榮記三珍齋肉店。醪香閣酒店。王家三珍齋肉鋪。春陽南貨糖食店。悅生祥廣貨店。華商日新昌官輪局。大東新利輪船公司。東瀛樂善堂丸藥店。留香閣外國裝式茶室。全豐糧食行。海晏樓徽館商務公司。吳中昇平樓茶室。同泰元記烟店。春風得意樓茶室。羣玉泉茶室。春和酒釀作。和葉香糖食店。吳門第一樓茶室。醉仙樓酒館。順興園飯店。同人吉米棧。坐花醉月樓飯店。迎月先春閣茶室。臥雲居烟間。長春酒店。美商彙利輪船公司。聚興園菜館。吳門青蓮閣紙店。熾昌機器棧。蘇經縲絲廠。工房一百幢。熾昌機器公司。興隆橋一帶。有興隆園茶室。同興烟膏店。迎遠廬茶食店。剃頭店。肉店。上天王廟吉祥利酒坊。蘇綸紗廠。大洋房四處。工房一百幢。電氣公司。地基絲廠棧。房元豐怡記各口報關運貨公司。蘇關通商洋務局。合大興車行。平江萬華樓茶室。大有興車行。美商悅來昌飛雲馬車東洋車公司。馬路兩旁。均係各國租界。尚未起造洋房。外國大橋畔。僅有分巡捕房。洋淳工程局二所。蜜渡橋畔。僅有總巡捕房。江蘇海關二所。小蜜渡橋一帶。有剃頭店。五湖四海樓茶館。合興雜貨店。吳興絲廠工房五十幢。郵政局。草蓬。米攤。肇源糧食行。元豐泰公記。各口報關運貨公司。接官亭巡捕房。其餘造成樓房。尚有數百餘幢。未有人租開店鋪。沿路擺設長生水菓酒釀吃水煙等攤。絡繹不絕。想由是日盛一日。當可與上海洋場爭勝矣。錄正月十六日蘇報。

浙礦擬開

浙西所開礦局。均在衢嚴紹屬等處。近有精於礦學者。謂杭州之紫金鳳凰等山。或有煤質。或有銀質。如能採取得法。定可獲利無窮。故現在某商等。擬欲集股開辦。因難把握。昨已赴申延聘礦師。以便察實稟辦。參正月十八日蘇報。

鐵路興工

蘇滬鐵路總辦蔡二源太守。捧檄以來。招工購料。頗極認真。茲悉吳淞一路。刻已擇定。本月念六日。破土興工。先自美界第六號鐵路界石起。至江灣鎮止。填平設軌。再行陸續接連云。錄正月二十日滬報

山西鐵路

山西鐵路。已請外國技師。丈量量完。就要動工。大約由直隸保定直達山西之太原府。係蘆漢鐵路之分線。參正月二十日蘇報。二十日官話七日報

商訂新章

西歷去年十二月念八號。紐約海冊報云。現在國家剛定萬國通例。欲免輪船在海洋行走。相撞之險。所有章程。已由華盛頓萬國海事議院議定。於西歷一千八百九十年七月一號起。遵照辦理。美國各大員及戶部。均經斟酌盡善。英吉利亦與美國商訂此章。併知照各國。一律允從。概於是年七月一號為始。除英美預先訂定外。計德法俄丹意大利大西洋奧司脫利亞比利士西班牙海會日本墨西哥哈脫買拉直利抗頭拉司諸國。所駕輪舟。約載重二千二百萬墩。內有六分之五。專走天下輪舟碼頭。通商最要之處。惟腦威瑞典二國。尚未復有收到新章字樣。至於納受蘭勃來全土耳其三國。行駛輪船。共可載重九百萬墩云。錄正月念五日滬報

鐵道出關

中國海崗鐵路。直至錦州。計出關已有一百二十里矣。錄正月念五日官話七日報

公議中國銀行大概章程

中國開設銀行。為收回權利之絕大關鍵。其公訂章程。大約參酌泰西。爰照錄之。一中國創設銀行。欽奉 上諭。選擇殷商。設立

總董招集商股合力興辦以收利權係爲通商興利起見因奉特旨開設應卽名爲中國通商銀行並擬請存官欸以示官爲護持與尋常商家自行開設不同俾昭鄭重用垂久遠 二原奏京外撥解之欸交本行匯兌可以減省匯費公中備用之欸交本行生息可以有益國帑各口岸各省會及各國都會均須設立分行以便就近承匯領放 三本行奏明用人辦事悉以匯豐爲準而參酌之不用委員而用董事不刻關防而用圖記盡除官場習氣俱遵商務規矩絕不徇情毫無私意總期權歸總董利歸股商中外以信相孚出入以實爲主 四上海爲總行惟於光緒二十三年春間開辦京都分行亦同時開設此外各口岸各省會分行須次第開辦均各加一地名如京都分行卽名爲京都通商銀行惟各國都會則名曰中國銀行 五各口岸各省會及各國都會本銀行未經設立分行之前應擇該處公正殷實之行號先行代爲

接轉匯票俟設分行後卽毋庸代理 六本銀行資本現銀五百萬兩分作五萬股每股一百兩招股開辦時付銀五十兩第二次續付銀二十五兩第三次續付銀二十五兩照有限公司例每股付足銀一百兩作爲完全以後無須再付其二三次應付之銀亦須俟總董公議加添之時先兩個月登報知會再行照付如日後本銀行生意興旺分行推廣於原股五百萬兩外應再加添股分由各總董議定加添若干先儘原股東股數照加如不願再加另招新股 七先收股本規銀二百五十萬兩盛大臣認招輪船電報兩局華商股分一百萬兩各總董認招華商股分一百萬兩其餘五十萬兩聽各口岸各省會華商投股自登報之日起上海本地以一個半月爲限各口岸各省會以三個月爲限照西法先行掛號限滿截數凡投股者准給股分數目應聽總董核給至交收股銀或就近交各處招商電報兩局代收由該局先行出具收條

再寄由本總銀行換給收單抑或徑寄上海本總銀行交納給單均聽其便統俟股票填齊再行換給 八本銀行係奉 特旨招商合力興辦公議擬請撥存生息公款二百萬兩以示官商維繫取信中外開辦之初先收商股二百五十萬擬領生息公款一百萬餘俟續收商股時再行請領至生息年限章程奉准後議請奏定 九本銀行照西例按六個月結賬股東官利擬定長年八釐如八釐之外盈餘即為餘利應酌提公積若干分派股東若干及分給總董人等酬勞若干由總董酌議辦理如公積已提至五百萬兩應否停止屆時再由總董酌議辦理如股東於官利八釐之外分得餘利亦在八釐以外是統計已得利息一分六釐應將餘利八釐外之餘利酌提報効國家以答國家專准本銀行行銀票鑄銀錢存放官本匯兌公款及一切保護維持之利益 十總行實任總董十二人為度除已選立外其餘續添各董仍須公正厚

實聲望素著招集鉅股為股商信服者方可選立並於實任總董之內隨時議舉在滬熟悉商務二人為辦事總董或限定期日或不限定期日一切總董辦會議章程應有權柄悉照西國銀行規矩詳列條目以資循守 十一本銀行辦法均照西國在中國所設之銀行故總行及京都並通商大口岸暨各國都會均用西人為大班生意出入銀錢均歸大班主政買辦輔之遇有要事應由總董會議簽押然後照行以期周妥將來中外分行廣設之後並須選派一精通商務體面西人為總董大班調度稽查各行之事其餘小口岸及各省會所設分行均用華人經理不派大班買辦 十二本銀行既照西國法度總董盡舉華人此外應請在滬之公正殷實熟悉商情之西商兩人為參議遇有會商要事應請西商參議一同會議作為公正人以期折衷至當見信中外商家 十三大口岸大省會分行准在該分行本地選舉認股最多者立

爲分董專管本地分行之事。仍須總行各總董及股東公舉。十四銀行買辦向歸大班所用。本銀行全是華股。總董全是華人所。有總分行買辦。應由總董公舉。仍照西國銀行之例。取具殷實人保單。或保銀存庫。並議定辦事權柄。訂立條款。一存銀行。一交買辦。彼此執守。十五上海總行大班。已延定英人美得倫。係在匯豐銀行數十年。熟悉中西銀行生意。買辦已延定陳笙郊。係錢業董事。聲望素著。衆所交推。其應予權柄。各總董會議。給付單據。其本行應用洋人。歸美得倫選用。應用華人。歸陳笙郊選用。均須熟手。以專責成。十六西國各銀行。在中國地方。存放銀兩。息分久暫。不過常年二釐。至五釐爲止。而放款押款利息。每年六釐。至一分二釐不等。其放款按折息時日甚暫。其押款按時價拆減甚多。本銀行應照西國銀行嚴謹辦法。畫一不二。不徇情面。必須有貨物等件抵押。並有妥當人擔保。方可押放。以期有利無害。十七

本銀行奏明准照匯豐印用銀兩銀圓各票。凡各五種。計銀一百兩五十兩十兩五兩一兩銀圓亦如之。京都上海兩行。准先出票。照匯豐所出香港上海票式。辦法各照各處市面通用平色。如滬票至京行取用。京票至滬行取用。亦悉照匯豐折算辦法辦理。其出票銀數。總不逾實存銀兩之數。十八本銀行代各省官司借貨銀兩。應照西例。由總行總董及總理洋人查明。須有抵還的款。方能議定。訂立合同。稟明戶部。批准立案。照匯豐銀行代國家借款章程。印發借券。應收年息。歸行取用。十九原奏本銀行准鑄銀錢。應俟總行開後。總董會議。請由盛大臣奏定章程辦理。二十上海擬設商會公所。凡有鐵路輪船電報金礦各項公司。均在商會之內。所有鐵路輪船電報金礦各處款項。凡與本銀行往來者。一切悉照章程。毫無偏倚。二十一匯豐銀行開辦之初。招股一千萬元。股分亦係分期限收。現查光緒二十二年結報。除歷年分

利外已積存公積六百萬元。保險二十五萬餘元。發出通用銀票九百餘萬元。各處存款六千一百三十七萬餘元。存金約五千七百十九萬餘元。匯單一千四百八十二萬餘元。現計每股本銀一百二十五元。股價可售三百七十五元。已加至二百五十元之多。可見銀行之得利全在管事之得人。今中國開辦銀行。無論現下將來管事一切人等。必須無官場習氣。熟悉商務之人。方可得力。二十二本銀行每屆半年。須將一切項款核結清楚。照匯豐辦法。由總理洋人刊印總冊。分送各股東及公家存查。至刻送以結帳後三個月為限。不得再遲。以上章程二十二條。係各總董參酌匯豐銀行章程。公同議擬。大概辦法。呈由盛大臣核定。其餘詳細條款。應再由各總董詳細會議開辦。光緒二十三年正月。銀行總董楊文駿。彝卿。葉成忠。澄衷。張振勳。弼士。嚴信厚。後舫。劉學詢。慎初。施則敬。子英。陳猷。梓庭。嚴深。芝眉。楊廷杲。子萱。朱佩珍。葆

三、錄二月初一日申報

高設銀行

日報載中俄銀行總管波柯奇羅弗。自遊歷中國後。於月初行抵高麗。與戶部參謀布朗創辦高麗銀行之議。洎與議中人意見不合。互爭不已。適波總管抵高後數日。布朗即往見高麗銀行局總事安奇肅。謂銀行當按原議。與政府訂立合同。應稟准課稅均歸銀行經理。當延請外國人之有名望者為參謀等語。安董事逐條駁之。而布朗執之堅。又請於高王。期於必行。高王聽焉。遂詔創辦銀行。諸人謂布朗所擬各條。商民某力爭之。略謂必如參謀所擬辦理。則收稅之權。將盡歸於外國人。而商與國俱病矣。高王默然。而旅韓美民之有權勢者。多袒布朗。以布朗明實受意於波柯奇羅弗也。現聞銀行諸人似有變動。或將照所議辦理云。錄二月初三日滬報

利權獨攬

英國目下與中國訂一重要商約。若能訂妥，則英國可以獨攬中國之利權。英國殷戶聯袂而起，湊集鉅資，鋪設中國鐵路。而鐵路之權歸於英國經營，意欲與俄國遼東鐵路相頡頏。嗚呼！彼爭此奪，豈中國之福哉。錄二月初五日蘇報

杭絲開貨

杭省各絲行年例定於十六日開市。今年鄉貨之肩負求售者，約有六百餘包之多。所有絲價經絲業各董事議定，肥絲每兩二百零七文，細絲每兩三百文。各鄉民因開市絲價未能起色，因此不售者十有三四云。錄二月初五日滬報

茶稅新章

杭省往年徽商運來之茶，向由甯關納稅，再行運赴上海。近聞茶商紳董具稟中丞，凡徽郡產茶，情願赴杭關納稅，以免繞道甯波。

徽浙交界各卡查驗放行等情，已蒙中丞批准照辦。並荷中丞體恤商情，向章徽茶運至浙省，例須抽提塘工捐稅，刻奉憲恩一概豁免。各茶商於是集議章程數條，大概為保護商業起見。凡茶商自開口起貨之後，江干各行紛紛兜攬，不免滋生事端。現各商設立公所兩處，自江干以達湖墅，凡三十里，沿途照料。庶轉運利便，商務得有起色。凡報關之貨，由公所給付三聯報單，杭關始得放行，以防偷漏，誠良法也。錄二月初五日滬報

滬上鑄錢

上海道憲劉康侯觀察，目覩上海錢日竭，洋價愈低，大礙商務。已稟准南洋大臣劉峴帥，在鑄造局開爐鼓鑄。所需銅鉛一律購齊，可資鑄六萬千光景。約每日可出錢三百千，聞即日開工矣。錄二月初七日蘇報

劃定租界

蘇埠租界一切事宜現已妥行議定傳聞日界自相王廟對岸起至新造外國橋止英界則自外國橋起至密渡頭止美國即由密渡橋南起至小石橋止約二月初八日蘇報

貿易穩法

近有西人著書一部命其名曰貿易穩法中皆歷載今古謀利之道謂古人以勤農事養六畜爲致富之術今人以廣通商宏製造爲求財之法國家則以練習兵船侵陵別國奪其地而收其稅并令之賠償兵費爲第一謀利之法此外貿易一定得利之法內共有一千餘條要皆確而可憑實而可徵之事一爲開五金礦二爲國家准專做一種貨物出售不許他人仿效三買賣國家借銀之股分如中國去年息借商款之事四以便宜之價買空地一塊待他日此地熱鬧租屋收值即可得最厚之利五買大輪船行走別國通商各埠而廣收客貨水腳六爲國家專辦兵營兵船常年需用之物料七廣收各處棉花用機器去子紡織布尤爲發財穩當之法八取他國上等煙樹種之做成煙卷煙絲煙末鼻煙之類行銷各處可獲數倍之利九留心查察本國別口岸及別國各口岸所喜用之物尙未有人運售則購此貨載至其地必能暢銷得善價而沽十或度此地將要開鐵路或築馬路或造廠屋預先買其地以待之則開鐵路之公司不能不買此地而其價可居奇增漲即稍離鐵路之處其市面必然興旺而地價亦貴十一細查本國內有某物堪行銷而尙未攷究其用法做法故銷路未甚通暢則取其物用新法精製人必樂購而得一定之財十二如本國內兩大城間往來人貨甚形繁盛而道路不平坦則將地面墊平寬闊之馬路築成鐵路一條或用馬牽之車或用汽機之車每日準定時刻來去數次每人每貨收錢若干則依其法而行之必發大財又如有衝要之水路平常之船每爲風浪耽誤不能迅速則買小

公司俾得由該處開築。徑達海防一埠。接至諒山。此項工程至多。不過三年。築成之後。自諒至龍。得以通行無阻。查向來運往北圻貨物。均取道北海廣州兩處。法商務局與藩部經理。不遺餘力。始有成效。然尙未能盡善。故現在法國派駐中國北京公司。與藩部大臣另籌善法。奏准辦理在案。茲又據中國龍州稅務司文稱云。竊思該稅務司之言。不爲無見。法國自宜於該處設立行棧。專運往來貨物。以爲土人先導。爲此知會貴議院。請煩轉諭各工商人等。將中國南境商務陸續推廣。實緣該處乃九十五年六月二十日訂約以後。法國所獨得之利。宜加意振興。以期持久。而收實效。本部有厚望焉。錄二月初九日蘇報。

稟改郵章

粵友來中國頒行郵政。茲聞省城商人。於前數日聯稟省憲。求將郵政章程。略爲變通辦理。內有三款。一請將遠近書信。分別辦理。

信資宜按遠近收取。二書籍與新聞紙等件。宜照信件減收寄費。三扶帶親友書信。請免議罰。省憲批准與否。尙有未確信也。錄二月初十日滬報。

民局改章

金陵郵政局分設兩處。一在城北與定湘王廟對衡望宇。一在關江干市上。均由鎮江關稅務司派西員一名到局管理。各民局均須貼費。所有信件包封。交郵局轉遞各處。無奈寄費過昂。銀洋又不便匯兌。以致貨物不得流通。市上生意大爲減色。且金陵所出之欄杆緞帶。向消外路爲生命之源。今則阻滯寄遞。不堪言喻。邇來各民局集議。別籌良法。擬在陸路多設信局。從省至京口。雇腳夫挑運。每兩日可往返一次。與郵政局分道揚鑣。並行不悖。該民局亦甚有見地也。錄二月初十日申報。

華茶漸衰

印度與錫蘭山兩處產茶。消流於我英。年盛一年。去年由中國運來茶葉。減至二十萬磅。而於一千八百九十五年。尙有二千六百萬磅。是中國之茶。前旺而今衰。至於印度錫蘭兩處來茶。前年有一萬九千萬磅。去年增至二萬零一百萬磅。較中國多十餘倍矣。
錄知新報三冊

改聘礦師

江甯府屬礦務。由官辦者。係正任巡道胡芸臺觀察爲總辦。此外另有商辦礦務。如鍾山等處。則由本地紳董余張二君。稟明各大憲。領山開採。自去歲以後。招商集股。湊成鉅款。延聘礦師某君。督同工役千餘人。就本山近處。縋幽鑿險。畚耨兼施。所獲礦產。以煤油爲大宗。鐵硫雜質。亦屬不少。刻各紳董等。因該礦師未能一一明晰。現改聘基督醫院化學教習曹君爲礦師矣。
錄二月十一日申報

海關稅項

中國去歲西十月一號起。至十二月底爲止。所收各口海關進出稅項。共計五百七十五萬三千四百四十七兩。內計上海收二百十三萬零五百三十四兩。天津收三十三萬一千二百零六兩。牛莊收十六萬八千零八十四兩。煙臺收十萬零一百九十三兩。廈門收二十五萬四千七百二十四兩。汕頭收二十八萬七千八百一十兩。廣東收四十二萬七千二百十四兩。瓊州收三萬零七百五十六兩。北海收四萬八千七百五十五兩。福州收四十萬零八千三百八十兩。甯波收三十五萬八千五百五十五兩。温州收六千二百七十一兩。杭州收四千零六十兩。蘇州收三百四十三兩。蕪湖收十三萬八千三百二十兩。九江收二十萬零四千九百九十九兩。漢口收三十七萬六千六百九十七兩。沙市收一千七百七十六兩。宜昌收十三萬零零六兩。重慶收十二萬二千一百三

十五兩。鎮江收二十二萬二千一百三十五兩。內再分進口稅一百四十八萬四千三百二十二兩。出口稅二百十二萬九千六百七十六兩。各口貨色稅二十五萬二千七百三十一兩。鴉片煙稅五十四萬九千九百三十一兩。噸數稅十五萬七千九百三十八兩。各口貨色存稅八萬九千零二十八兩。過路稅十二萬七千九百七十七兩。鴉片煙釐金九十六萬一千八百九十四兩。錄二月十二日蘇報

譯西報論梧州通商事

廣州市城博聞報云。廣西梧州一口。踞江西之上流。通西粵之財貨。其形勢固佳。而地亦興旺。故英國屢請於中朝。求作通商口岸。香港西報特著論說。專言此事。略曰。一年前英國宰臣沙利士。百里侯。與中國駐英京星使商議。在江西地面通商。自是而後。時有西人運貨前往發賣。惟來往無常。未甚踴躍耳。夫英官之於西

江。立意通商。早已定奪。於三閱月內。卽行開辦。惟是尙無明文曉諭於眾。是以商人仍遲疑觀望。蓋以西江通商一事。尙無確據。故不敢勇往向前也。聞各大行店之在梧州貿易者。尙未接京師及羊城各大憲明文。倘商務局得悉此情。定必卽行布告。使眾周知矣。據現下商人之在西江貿易者。稱說將來通商之處。祇准在梧州及三水兩城。他未之及。查梧州一城。目下已日盛一日。而三水一城。地居西北。兩江之河口。亦屬扼要。從此生意可期。拓廣。惟是西江之來路甚長。隨處皆可貿易。深望英官盡力經營。早爲商議。請自梧州以至羊城沿河各處。皆准洋人通商。則生意之盛。當不限於一隅。聞梧州水道。春夏秋冬。深淺不一。稅關人員。議用西瓜扁船。建作關署驗貨。應其設廠之處。將在梧州毗連渣甸行所購之地段云。錄二月十四日申報

滬上商務日盛

滬上租界之地。於一千八百九十六年。計英界內共起造新屋一千一百三十一所。翻造屋共三千二百九十七所。美界造屋共一千一百六十六所。又虹口造屋一千一百零二所。合計英美兩界共造屋六千六百九十六所。核之一千八百九十五年舊冊。共計造三千四百餘所。相較幾增多一倍。又加以虹口洋房四五十處。及楊樹浦繅絲紡紗造紙軋油等廠。亦增至十餘處。其雇工人約共二萬五千名。該工等皆宜住在該廠左右。故房屋日增一日。而房價又日加一日。可見滬上商人亦日盛一日。又同年冊報靜安寺一帶房屋亦漸覺興旺。故該處所派之巡捕較去年又添數十。尚不敷調遣。錄二月廿一日商務報

俄國興商

俄國經營諸務。不遺餘力。而於商務一端尤為加意。現議在歐洲各國都會設立商務局。派員經理。又議在美國各大埠及滿州朝鮮各城鎮分派經理人專司商人事務。約二月廿一日商務報

論中日通商條約

某日報論中日新訂之約。其旨義視中與泰西各國現行之約。大概相同。惟有一二處。則迥然各別。約中有重申明之款。亦有未載明之事。其所重申明者。為中國現行之進出口稅。則須再照行十年。若是則中國於將來十年之內。不得另請改更稅則也。其未載明者。為日本臣民在中國從事工藝製造貨物。應如何納稅之處。竟未提及。是以此層。應仍照馬關約中所載辦理。由此觀之。李傅相在英國時。所請加增稅則一層。或係傳相私見。否則張侍郎議訂稅則。何以仍照現行章程辦理。竟將中國有不得不加稅之勢。置之不論耶。約中最緊要一節。在第三款。此款載明日本官員在中國應有審判之權。而中國官員在日本。則不得均有此權。此蓋中國為日本所敗。理應受虧耳。第六款所載為游歷執照應用之

期以十三箇月爲限。加有未經領照前赴內地遊歷者。應議罰銀。至多不得逾三百兩之數。第九款亦緊要之款也。其款曰。凡各貨物由日本臣民運進中國。或由日本運進中國者。貨由日本運進。而運貨人非日本籍。又日本臣民由中國運出口。或由中國往日本者。均照中國與泰西各國現行各稅則章程辦理云云。是現行之稅則。中國若欲更改。須至一千九百零六年。因改約之期。以十年爲度。方可辦理。以約中並未另訂更改稅則之期。即可見更改稅則之事。中國已允暫緩十年再辦。此蓋約中義意如此耳。又可見自立約之日。至一千九百零六年。凡有更改稅則之處。非先由日本允准。不可期內。中國不得以請改稅則爲本有之權矣。第十一及十二兩款。謂日本人運貨進中國內地。或由內地運出口者。除照進口稅。或照出口稅輸納一半。如係免關稅之貨。按價值百抽五外。其餘內地各稅。一概豁免云云。又足見此約仍守現行價值百抽

自辦建設完固。所有各項工程。設在何處何方。及修理之法。領事官可與中國地方官商議。施設所有修理費用。中國地方官與領事官會商章程一體籌捐。以昭公允。而期久遠。七所有商民在此界內。往來僑寓。中國地方官自應按約保護。所有巡捕房事宜。由中國地方官會同稅務司設立管理。錄時務報

華英商務

英國月報有名曰理財生利者。近著一論。略謂去年。即西歷一千九百零六年。英國與他國通商。甚見旺相。一年中人口貨價。通值英金四垓四京一兆八億七千餘鎊。照市約合華銀二千八百餘兆兩出口貨價。通值二垓三京九兆九億二萬二千餘鎊。約合華銀一千四百餘兆兩彼此抵算。共溢輸出口英金二垓零二兆餘鎊。約合華銀一千四百兆兩爽目子曰。於戲。若以中華治國之道。英其能支持幾載乎。中國一年出入口貨價。約共值銀二垓二京兩。即二百兆。即以盡輸出口而言。較諸英國。曾不足十

分之二。况有出口貨價可相抵制而已。以通商爲詎病。英國每歲溢輸出外者。類不止十垓金。何以並不患貧。且更蒸蒸日上也。此其故可深長思矣。至以出入口貨價合而言之。英國共值華銀四千二百兆兩。而其人口則不足四十兆。均合勻計。每人應占一百零五兩。中國共值二百二十兆兩。而有四百兆人。計每人僅占銀五錢五分。然則英國一人。不幾抵中華二百人乎。何況英國之天氣地脉海水人數。皆遜於華。而乃以二百華人抵一英人之用乎。藉非人才之銷鑠。何致此乎。於戲。欲不歸咎於教化之不足。其可得乎。錄萬國公報

立口通商

日本政府擬將福岡府舒以錫縣改爲通商口岸。經議院妥議。現已購定地基二十二萬八千一百三十畝。以便建立稅廠舖戶棧房等項。錄日本郵報

互之議也。第二十及二十四兩款。專定管轄審判之權。按照此款。日本人在中國。固歸日本官所管。而中國人在日本。又爲日本官所轄。第二十五款。申明中日現行各約章。及照最優待之國。應享之利益。第二十六款。訂定重改本約之期。以十年爲限。限滿若不重改。復行十年。船鈔章程。仿照中英在天津訂定約中所載辦理。其餘各款。原文所論第十及十三及十四等款。因引原約太長。未照譯登。此係屬照例。均以中英條約義意爲本。觀以上各款。日人在通商各口。製造貨物。應還稅則一層。如此篇前所言。竟未議及。既未議及。應遵何章。查馬關約中。有日本人在中國製造一切貨物。即照日本人運入中國內地之貨。一體辦理云云。一款此層。現在新約既未議及。其仍照馬關約施行也明矣。聞日人在中國製造之貨。應還稅則。日本已允。按價值百抽十。中國已允。日本租界之在蘇杭者。及各口將開之日本租界。均歸日本自行管理。以示

酬報之意。此次中國所訂之約。雖無新異之事。十分緊要者。而中國將來。逼至不得不加稅之時。欲請更改稅則。真不知又將如何措詞也。錄二月廿二日蘇報

自來火公司之利

自來火。卽煤氣燈也。西語謂之瓦斯。泰西各處通行。上海自來火公司。去年獲利甚多。又載稱是年該公司淨得利銀五萬四千一百五十八兩。又前年存利三萬九千三百五十四兩。以上兩項。已於今年英正月瓜分與各股友一萬八千兩。錄二月廿三日商務報

天津創設自來水

天津創立自來水公司。已集定股本銀六萬兩。擬定設立租界之內。惟租界中市廛鱗接。迄無隙地。故設立何處。尙未相定。基地然已集成鉅本。自當卽行開辦。節二月廿三日商務報

俄更商埠

俄商前租朝鮮蕪迷道西口岸一地。爲通商馬頭。嗣因地面太小。缺少水路。而地又被日商租去。是以未曾開埠。今租定察牙道一島。該處俗名小馬島。以產小馬得名。其島在漢口。週圍約十餘里。現有俄兵輪防守。於上月初十日開工。修築道路。次第建造行棧馬頭。其前租蕪迷一地。卽造一存煤之所。先是大東溝之麥府。卓來道京南府。早已定爲通商口岸。但不時變亂。致高廷未能舉辦。現聞漢城各官議於京南府。作爲通商口岸。添設分關。其餘各處。可以通商者。亦擬開辦。錄二月廿七日商務報

各省錢荒

京都現在銀價。每兩松紋。易當十大錢。十二吊二百文。洋銀每元。易九吊二百文。江甯每洋初僅換錢八百餘。嗣藩庫發出制錢十萬串。遂換得青蚨九百餘翼矣。江西開歲以來。每銀一兩。僅

易九五大錢一千二百文。洋一元僅易大錢八百文。日前武漢錢價已漲至八錢八分二釐。去歲津上居民挑選蝠錢極爲認真。據云蝠錢較尋常銅色爲好。用以置響器其聲清越以遠。節二月廿七日商務報

法士論商

法國維士君曰。目下英法德三國各在奮力添置商輪。并圖開闢疆界。推廣商務。茲總計其進出各貨價值之數。以證人民之富厚。英國以通國人民統算。每人得法金三百六十八法蘭克。法德兩國每人得一百八十五法蘭克。士威士國無船亦無新疆。每人得五百二十五法蘭克。比利時國之商輪新疆雖不甚多。統算每人亦得四百一法蘭克。法國出口貨。英國獨購百分之四十分。適合德國比利時。士威士三國所購法國出口貨之數。錄二月廿九日商務報

外國各種布價

本月十八號。上海西字商報云。本埠各項商務。此禮拜內。大有起色。惟略分高低。其中以美國貨色爲最。租界中大略情形。皆可稽查。目下商人可乘兌價未定。多進各貨。以保利權。第一艘輪船本月十五號。由天津開回上海。茲將開市後二三日之各種布貨市價列下。美國被布三羊牌三兩。新雞牌三兩。元寶車牌二兩。另七分。小喬司牌三兩。另八分。龍頭喬司牌三兩。一錢三分。羅令新獅牌三兩。一錢五分。哺雞牌三兩。二錢二分。老虎牌三兩。二錢七分。印頭牌三兩。六錢五分至七錢。藍喬司牌三兩。一錢二分。馬牌三兩。一錢九分。雞牌三兩。二錢二分。龍牌三兩。三錢八分。灰色洋布六磅。蓮子牌七錢七分。人牌一兩七錢八分。藍牛牌七錢九分。七磅。四女藍牌一兩五錢四分。房屋牌一兩五錢五分。塔牌二兩。另八分。白洋布耕畝婦人牌一兩九錢二分。三人牌二兩六錢二十

二磅三十六寸紅雞牌二兩九錢八分。錄三月初一日商務報

新茶消息

鄂省襄陽各處為產茶之區。春時早采者為頭批茶。細如蠅眼。采後復出為二批茶。近有用新法將茶磨細。造為長方圓扁各式者。名曰茶甄。客商皆以新製爭購。按茶甄之始。由漢口埠昌順豐新泰三家。他處皆不知造法。三家自創行之後。遇新茶登市。雇工每至千餘。裝箱出運為苦。莽生涯中別開生面。又江西義甯各處。春間土產以紅茶為大宗。每歲出入款項不下數百萬金。二月中則茶客入山收茶。運至漢口售於洋商。惟山民不喜白鏹。均用現錢。大約錢價之漲。職是之由。節三月初一日商務報

英員購樣

英商務局委員往東方各國查探各種貨物。將中國消場最廣之土紗布。辦就各樣。寄回本國以便摹倣製造。見第四號商務報

丁酉利濟學堂報商務叢談卷二目錄

日本商船

日參稅則新章

統球商船

招商局情形節畧

福州製茶新法

金銀時價

開採銀礦

俄國商旗

會計商戶

梧州商務

中俄茶葉

航海者言

臺灣米價

各國銅數

蘇彝士河船數

美日殷富

油廠新開

北地通輪

滬錢轉機

杭關功竣

報紙暢銷

比國商務

譯西報論商務

公司獲利

各國銀價

洋貨滯銷

畧誌茶信

徽茶誌畧

日本糖價

棉花生理

法國酒政

米商舞弊

印度金礦

東幣規則

擬設錫箔機器

法國絲稅

照錄赫稅司所擬杭蘇洋關試辦章程

湘省電價

京南鐵路得利

蘇州日本租界章程

經費支絀

鐵路行程

增設碼頭

銀行議駁

譯務章程

鄂布價值

商務叢談卷二

彙編二之六

日本商船

現有日本總兵擁厚貲招股分開設商務公司一所共集日圓二千萬造船九艘每艘載重自三千噸至六千噸又造鐵甲十四艘每艘載重自五百噸至三千噸通商巡遊來往之處共分八隊第一隊來往大坂毋雞九龍香港廈門第二隊廈門福州上海第三隊大坂毋雞扶桑島濟物浦第四隊上海煙臺大沽第五隊上海漢口第六隊大沽天津第七隊澳大利亞洲第八隊阿美利加洲容當稟請政府准照水師章程保獎以示鼓勵錄官書局彙報

日參稅則新章

東洋參進口稅則向來分爲三等上海每觔二十五枝以內者例納稅銀五錢次等每觔二十五枝至二百二十枝者納稅銀三錢五分三等每觔二百三十枝以外者納稅銀五分前年馬關條約

載明日本貨物進口之稅。應照歐美各國利益一體均沾。旋經日本林公司與中國總理各國事務衙門函商妥訂。前月有大坂三井物產合會社某商裝運東參十箱。至上海銷售。稅關核算共計二等參五百六十二觔。三等七十觔。照東洋參稅則。應納稅銀二百兩零二錢。由三井物產社分行經理人呈稟駐滬日領事電達總署。嗣接電覆。并照會江海關道。遵照美國參稅一例納課。核計銀三十七兩五錢二分。比較前後相去銀一百七十二兩二錢八分之多。以此類推。可見馬關條約。中國亦受其愚也。錄商務報

統球商船

海軍水交社雜誌云。全世界沿海五十噸以上帆船有二萬五千五百七十艘。九百三十二萬三千九百九十五噸。其內英國八千七百九十三艘。三百三十三萬三千六百零七噸。美國亞之三千八百二十四艘。一百三十六萬二千三百七十七噸。挪威亞美國少

一千艘。而噸數同。又法國位第八。在希臘與瑞典間輪船。以英國爲第一。五千七百七十一艘。一千萬噸。德國第二。八百二十六艘。一百三十萬六千七百七十一噸。法國第三。五百一十一艘。八十六萬四千五百九十八噸。美國第四。四百四十七艘。七十萬三千三百九十九噸。錄官書局彙報

招商局情形節略

謹查本局光緒二十一年第二十二屆結總。已呈送刊布在案。茲自光緒二十二年正月。起至年底止。是爲第二十三屆結帳。本年各埠商務清淡。輪船水腳共收二百十八萬餘兩。比較上年短收十七萬餘兩。除開銷船用。及攤給水腳外。結餘船利五十六萬七百餘兩。又運漕機產等利。三十七萬三千八百餘兩。除地租修理等費。利息酬勞各款。六十一萬九千六百餘兩。船棧折輕成本。十九萬七千一百餘兩。淨餘銀十一萬七千六百餘兩。統計前後實

存公積一百十八萬六千八百餘兩。此利項大略也。至本項內僅欠往來帳三十二萬四千餘兩。存款足以相抵。新造安平泰順兩船已付船價四十一萬八千餘兩。尙未結算。俟下屆再歸成本。輪船除泰安不計外。計二十有三號。今年添造上海虹口及楊家渡棧房。又添造天津鎮江九江棧房。又加築汕頭香港碼頭。改造廈門沙市躉船。加重成本三十九萬九千餘兩。除折舊外。成本比較上年增二十萬。共結存成本三百八十萬兩。此本項大略也。宣懷於日本案結。曾相告於我眾商曰。合肥相國三十年經營。僅留此區區一二端。吾儕宜就此根基。於已成者守之。未成者擴之。以底於富强。眾曰唯唯。冬十月。宣懷奉命招集商股。合力興辦中國銀行。以收利權。當卽奏明。先集商股二百五十萬兩。其內輪船商局。應認集股銀八十萬兩。爰借總辦總董及鉅股商人公議。擬於本年餘利項下提銀二十萬兩。及歷年自保船險公積項下提銀

六十萬兩。湊入中國通商銀行股分。以公濟公。卽以利興利。況銀行爲商務樞紐。今日借輪船之力以成銀行。安知他日不又藉銀行之力以推廣輪船乎。惟吾局公積皆屬產業。現款殊不易籌。本屆各股商應得官利每股六兩。餘利四兩。仍派現銀外。尙有每股應分餘利十兩。又每股提派歷屆公積三十兩。均俟銀行開設六箇月後。再將銀行股票分給各股商執業。念吾股商茹苦含辛。二十有三年。至此始得派受公積餘利。豈不幸哉。宣懷又有進於此者之一義。中國欲興商務。必從學堂始。士夫幼攻舉業。不明度算。無論矣。商賈利析錙銖。而於進出口貨。互市大局。罕能窺其奧秘。故與西商角智力。輒不競。因於北洋設大學堂。商局已歲捐二萬兩。本年又奏設南洋公學。及達成館。商局又歲捐六萬兩。每年以所得水腳二百二十萬計之。抽捐已屬不貲。較之外洋進項捐。已逾倍蓰。華商歷蒙國家保護之力。無以復加。而會日所以報

國家者亦不遺餘力矣。凡此銀行認股公學輸捐皆所謂未成者擴之實不得已之公義也。而於守已成之業尤不可須臾忘。今而後仍宜力持斂字訣勿縱勿肆使其根深者葉自茂源遠者流自長吾與同儕共勛之。錄三月初八日新聞報

福州製茶新法

中國茶日衰弊。印度錫蘭等茶反易售銷。上年福州之茶香味俱美。運至英國購者如奇貨可居。而印度遂瞠乎其後。西商均欲得福建之茶。福建茶幫中有格致士學得印度製茶之法歸教工人。於是雀舌龍團頓成美品。聞該處製造並不需用機器。惟蒸炒之法別有精心。即可較他茶味美。福州商務何患不興乎。節三月初九日商務報

金銀時價

近年金價日貴。本埠去臘已漸增至四十餘兩。聞目下雖略短縮。以後尙不免加增云。節三月初九日商務報

開採銀礦

浙省衢嚴等屬煤炭局已有程項。諸職商先後稟請開辦。茲又有入稟請在開化縣內山創開銀礦。採有礦苗。曾請精於格致者品評。咸謂礦質甚佳。一經化學冶煉。定獲無窮利益。現任藩憲惲松耘方伯飭素精礦學之候補通判金慈生遵祖會同礦師前赴會勘矣。錄三月初十日新聞報

俄國商旗

俄王自登位之後。於兵務商務有志振興。現有新改國旗。凡兵船商船之旗。另繪式樣。因特繪旗圖。呈由中國總署。特示各海關曉諭商民。一律遵照云。錄三月十三日商務報

會計商戶

神戶又新日報云。去年杪戶部清查本國大小銀行。共有一千三

百七十七家。總核其資本，則二億五千五百五十四萬九千五百一十四圓之數。頃增加二十二家。其資本則三百二十四萬五千圓。并查大公司之家數，為商務者，則一千零八家。為工業者，則五十七家。為農業者，則十六家。總核商工農三家之資本，則二千八百八十六萬餘圓云。錄三月十六日知新報。

梧州商務

廣西梧州開設商埠，已經英國駐京欽使咨請總衙門，於正月初三日彼此簽字。惟在三水肇慶德慶江門甘竹各處，設立稅關。任外國船隻運貨往來，自簽約之日起，在四箇月內，照約開辦。華洋各商聞之，均多赴該處購地建屋。報關設局，亦集股興開西江一路。商人絡繹於道，而由省往梧者，其類更多。并傳聞官商彼此會議，將西江河道淺處，一律濬深，俾輪船易於來往云。錄三月十七日商務報。

中俄茶葉

茶為俄人所最喜食，終日啜飲不置。城鎮各設茶肆，每一玻璃杯茶內多加有糖，售價自一本士半至兩個半本土。價之高低，視城鎮之坐落及茶客之等類而區別之。是故俄之銷茶，年加一年。查俄國於一千八百九十四年，自中國經倭曼薩城進口之茶計十五兆六十萬二千啟羅格郎姆。每合二千二百四磅其呈報波羅的海關之茶，勛數亦甚鉅。此數多半運至莫斯科，但亦有在波羅的沿海一帶銷售者。其由東邊之西伯利亞依陸運入者，約計二十兆啟羅格郎姆。合價五十兆羅布。凡茶繞倭曼薩，或繞歐洲進口者，皆係茶葉。惟繞中國邊界運入者，類多茶甄，大小不等。此種茶甄，價廉而轉運便。為北方一帶貧民所銷。其所納關稅，亦比茶較少。各零售鋪戶，將茶分包，計重一兩半、重三兩、重六兩、重一磅，不等。每磅售價自八十個戈比克。俄銅錢至五個羅布不等。上好之茶，尋常售

價少至一羅布五十戈比克多至二羅布五十戈比克當可購得。又查俄國歲有出口之茶均由莫斯科城中各大茶鋪裝包運銷。此等茶鋪在歐洲已遠近馳名。一千八百九十四年其繞倭疊薩裝赴羅馬尼亞及布加利亞及土耳其及奧斯馬加者共計三萬啟羅格郎姆錫蘭之茶進口至俄國者約始於二年前惟爲至今猶未多也。錄三月二十一日時務報

航海者言

海洋深淺前人測量互有參差今就技藝報登錄新近航海諸人探得地球上海洋深淺之數照錄之。北太平洋八千五百十六邁當。南太平洋八千二百八十一邁當。喀力比海四千二百六十邁當。北冰洋四千八百四十六邁當。地中海四千四百邁當。黑海二千六百十八邁當。北海八百九十八邁當。北大西洋八千三百四十一邁當。南大西洋七千三百七十邁當。印度洋六千二百九十五邁當。南水洋二千六百二十一邁當。中國海四千二百九十三邁當。日本海三千邁當。波羅的海四百廿七邁當。當晴天之日海水清澈水手入水深至二十五邁當見物清楚三十邁當尙可辨白然已在日光不能透到之處矣。錄三月初六官書局報

臺灣米價

上年臺灣一地各報旱災又因義民與日本相爭蹂躪既多農工又曠以致今年米糧昂貴上白米每石六千左右惟彰化大熟故客商皆至彰化販米運至臺南一時米價跌至四千四百文油則每觔一百十文。錄四月商務報

各國銅數

有西人核計前五年天下出銅之數計日耳曼出一萬三千八百六十三墩英國出二千墩瑞典瑞威出三千四百三十墩日本出二千八百墩澳洲出一千五百墩西班牙葡萄牙出四萬三千六

百五十五墩。意大利出一千六百墩。俄國出三千墩。亞日利出六百墩。好望角出五千墩。包利微出三千二百五十墩。扣那大出三百二十九墩。智利出四萬一千零九十九墩。美利堅出五萬二千零八十墩。委內瑞拉出四千零八十墩。奧削尼亞洲共出一萬二千墩。墨西哥出四百八十九墩。秘魯出三百九十五墩。亞尙帝出二百九十三墩。新岌出一千零五十墩。以上共計十九萬三千四百五十四墩。以國之大小計之。出數以智利爲最。錄四月商務報

蘇彝士河船數

蘇彝士河公司報。去年西歷十月內。各國商船經過是處者。計英船一百七十七艘。法船二十三艘。俄船四艘。德船二十六艘。奧船七艘。荷蘭船十七艘。意船六艘。西班牙船四艘。土耳其船五艘。哪喊船四艘。葡船二艘。中國船一艘。總共二百七十六艘。載重共有九十六萬五千三百七十三墩。蘇彝士河本地中海至紅海土腰

一道。寬一百八十里。乃阿歐亞三洲之界。向來不通船隻。咸豐五年。即西歷一千八百五十五年。經法人雷瑟伯與開通。而歐人之船始可由地中海直達紅海。又云。一月之內。各商船之行經該處者。有二百七十餘艘之多。可見是河之開通。有利歐亞商船者。實非淺鮮也。錄博物會報

美日殷富

西歷一千八百八十六年以後。美國於農務商務。竭力講求。自南北交戰後。十年中。售出棉花。祇一千三十八兆六十七萬七千九百二十磅。七十二年至八十六年。售至九千八百八十八兆五十八萬磅。八十六年後。十年中。又增至七千兆磅。上年則售出七百餘兆磅。國中礦務。卽就西境之夢退尼高疆而論。在二十年前。每年所出金銀。祇值八兆五萬至九兆。今則每年可得十三兆。其國債本有三千二百三十四兆四十八萬元。今則已還十成之六七。而府

庫中所積之款甚多。欲償還於民。民不肯受。國債之不能清理。爲此故也。錄法文西報

油廠新開

中國榨製棉花子油。向來皮壳夾雜。出油不多。以故銷行甚隘。茲聞沈子梅嚴小舫。兩觀察集楊子萱司馬諸人。擬籌銀十萬兩。作二千股。每股五十兩。在楊樹浦開設大德機器榨油公司。已在美國措特威爾機器廠購得機鑪。由該廠洋匠押運來申。一俟該洋匠機器裝配後。卽當動手開工。按中國榨油。祇守成法。今則改用機器。亦創聞也。錄三月商務報

北地通輪

天津東南運河一帶。水淺易淤。大船不能出入。客商來往。每憂陸道稽遲。近有某商人。欲在該處設立小輪公司。在運河來往。取道北河。直達通州保定等處。業已稟請奏准。彼此通行矣。錄商務報

滬錢轉機

滬上錢銀賤。兩年有餘。近日銀洋漸形加漲。推原其故。皆由各行家平日以積錢爲務。凡有銀洋盡行兌出。以致錢被窖藏。價乃大貴。近江海關道劉康侯觀察。奉南洋通商大臣劉制軍札諭。在滬南製造局開鑄市錢。每千重四五觔。發市流通。以平錢價。滬市各行店鋪戶人家。以錢既流通。不致銀價再跌。是以前者積錢之家。莫不掬出青蚨。紛紛購藏銀洋。冀異日銀價大漲。可以得利。目前市上錢不患貧。而銀洋則反形寶貴云。約益聞錄

杭關工竣

杭州稅關。在拱辰橋東二馬路口。前因工作方興。故李士理稅務司。另借民房居住。刻下關署已一律告竣。遂啟請李稅務司擇吉。鶯遷。司事書役等人。一同前往。又據杭州信息。謂杭關絲綢洋貨等稅銀。已有王姓包定。其別項捐稅亦多。此後每歲捐款。可得六

十萬兩左右云。節三月商務報

報紙暢銷

目下美國日報共一千一百二十三家。每期售報共二十七兆本。凡報館每期售不及五千本者。尚不列於此數。又加拿大有大報館四十六家。每期出報六十八萬九千三百六十九本。又有雜報三十五家。每期出報七萬八千九百九十五本。泥水木匠報四十三家。每期售報八萬二千二百六十五本。又酒水報玻璃樽報共二十六家。每期售報三萬一千二百九十五本。告白報十二家。每期發三萬六千二百六十八本。錄益聞錄

比國商務

比利時國西一千八百九十五年。進出貨物。共值五千五百零十兆佛郎。比國百姓。僅六百二十萬人。而商務如此之鉅。實天下善操會計之田也。節巴黎辯論報

譯西報論商務

中國稅關。每年印成水路商務冊。觀其所載。知安南東京商務與他處殊異也。中國稅關。一立於廣西龍州。一立於雲南蒙自。龍州為達諒山之地。蒙自自由紅河達老撾。龍州一路。商務未甚興旺。在一千八百九十三年時。出入貨可值十七萬九千佛郎。次年可值一兆二十萬佛郎。至一千八百九十五年。只三十六萬五千佛郎。此處商務所以減色者。因夏日龍州河水常涸。致阻往來故也。若非將諒山鐵路。連入中國境。東京改訂稅則。則此處商務。將來未見大興。法國所立之稅。華人畏其太重。故彼等願經其本國舊路。不願經此捷成之路。至雲南一面。商務日勝。一千八百九十五年。各商貨可值十兆佛郎。較諸上期。計每百佛郎加增三十之數。由是觀之。以東京地里言。亦可知中國南省之要路。而明整頓商務之道矣。一則必須改輕稅則。勿使土人畏而不前。一則迅速濬紅

河以入雲南最近之路。今法國費若干金。修諒山鐵路。而於紅河工程用款。如是之少。殊為可惜。諒山鐵路固為用兵而設。為保護東京之用。然雲南人眾物博。工藝極富。以商務論。其地又較廣東省為緊要也。說見海防法字報。錄四月商務報。

公司獲利

本埠巴勒洋行。中西各國水險公司。備存資本。共洋二百五十萬元。今已將一千八百九十六年總帳彙結。計一進是年除轉保別公司外。實收水險費洋一百七十八萬六千七百九十九元二角。一付是年賠款洋六十四萬零七百十八元八角。一付費用共洋八萬八千八百四十八元四角。一付各口代理費用。共洋二萬七千四百四十元零六角。除支各款之外。計盈餘洋一百零二萬九千七百九十一元四角。亦可見該公司獲利之厚矣。錄四月滬報。

各國銀價

三月十一號長崎新報比較近日各國銀行價值表自四月一號起至六月三十日止。今照錄如左。

英吉利一鎊	值日銀九圓四毫一仙一
美利堅一拖多刺	值日銀一圓九毫三仙四
德國一孖古	值日銀四毫六仙
法國一佛郎	值日銀三毫七仙三
意大利一利刺	值日銀三毫七仙三
瑞士國一佛郎	值日銀三毫七仙三
白義耳一佛郎	值日銀三毫七仙三
瑞典國一古郎	值日銀五毫七仙八
丹墨國一古郎	值日銀五毫一仙八
那威國一古郎	值日銀五毫一仙八

西班牙一必先打

值日銀三毫七仙三

荷蘭國一而路多

值日銀七毫七仙八

葡萄牙一未路利

值日銀二圓零零八仙九

俄羅斯一路悲

值日銀一圓零零六仙

澳大利一古囉尼

值日銀三毫九仙二

印度一路邊

值日銀六毫零一

土耳其一披亞士多

值日銀八仙五

按日本銀圓毫子重皆與中國同錄知新報

洋貨滯銷

日本地方所到各國洋貨現在屯積於橫濱各貨倉中者山積壘崇無人過問其勢極難銷售推原其故因日本之貨可敵外洋國中之人皆用國中之貨以致洋貨日益滯銷洋商無可如何擬再造運赴他邦以求三倍之利未知能如願以償否錄橫濱貿易新

聞報

略誌茶信

九江各茶棧近日運到毛茶不少昨經議定開盤通山茶每價三十兩三十一二兩不等甯州茶每價五十兩左右河口茶每價五十四兩上下似較昔年稍勝一籌節四月滬報

徽茶志略

皖省所產除五穀之外向推茶葉為大宗茶之色香味三者亦各地有所長蓋皖南諸山叢雜多石故產茶細膩而以色香勝皖北諸山清疏多土故產茶濃厚而以味勝向來產茶之地南以婺源縣北以六安州為最多蓋婺源茶係行銷洋莊引額最廣六安茶販售北五省通行最遠是以名馳中外為皖中生意首屈一指若夫茶之最著名者則為甯國府屬如甯城縣之敬亭茶綠雪茶甯國茶雅山茶涇縣白雲茶旌德縣鳧山茶太平縣雲霧茶皆載在

郡志並見名人吟詠。每年共產三萬餘引。而六縣之茶尤推太平爲冠。蓋太邑深居萬山之中。在黃山之陰。層巒疊嶂。得清氣含育。故所產之茶。嫩蕊細牙居多。其色尤推小河內仙女灘之茶爲天下無上上品。其葉細若鳳眼。有一葉一托。二葉二托。三托之分。雖各省之最著名者不能比也。該山所產無多。每筋非實洋蛛二三翼不可得。他若別山之茶。自魁尖起。推而至於貢尖。天尖。地尖。人尖。和尖。在穀雨前摘者爲頭茶。穀雨後爲二茶。每屆天未黎明。採茶女子。卽呼姊挈姨。入山乘露而採。若朝曦一上。卽須挈伴而歸。至若粗茶。則在立夏前後採摘。但須午前入山。卽可搜葉尋枝。非若尖茶之須半夜而起。其各自香片起。種類繁多。不可勝紀。今屆春陰過久。輕寒薄暖。茶樹尙不致先時怒發。故尖茶最爲合宜。今年茶市當稱豐歲。往歲尖茶每石自本洋百餘元。推而遞減至三四十元不等。粗茶每石自本洋七八元。推而遞加至二十餘元。觀

此天時大抵市價與往昔相似云。錄四月商務報

日本糖價

二十年來日本消流糖斤爲數甚巨。入口糖數值價千餘萬元。商務冊所刊自一千八百六十八年至九十一年。暢銷外來糖數值銀九千八百八十餘萬元。查六十八年入口糖值價九十一萬餘元。八十年增至三百六十餘萬元。九十一年增至八百四十九萬餘元。按日本每年所產糖斤日盛一日。八十四年值一百七十餘萬元。九十年增至六百萬元。約西十二月日本郵報

棉花生理

英邇來棉花市場漸形冷淡。銀號每百兩納四兩息者。今則減至三兩。南亞美利加洲之巴西國市場尙屬暢旺。棉價并無漲落。亞斐利加洲之埃及國市場冷淡如常。從前棉價每磅售英銅錢一篇尼十六分之一者。今則跌至八分之一。按每磅重十二兩一篇

尼核中國制錢四十文。錄西正月富國報

法國酒政

法國一千八百九十六年葡萄酒出產頗豐。共得四十四兆六十五萬六千一百五十三愛克多黎脫。除一千八百九十三年有五十九兆愛克多黎脫爲十年中最盛之年外。上年其次也。乾葡萄酒上年有八十八萬八千愛克多黎脫。較上三年少產二十餘萬愛克多黎脫。蘋果酒上年產八兆七萬四千三百九十二愛克多黎脫。另有運入法境之西班牙酒。上年十閱月中共四兆六十三萬六千六百六十一愛克多黎脫。意大利酒九千九百二十三愛克多黎脫。葡萄牙酒一百六十愛克多黎脫。阿耳及里阿酒二兆二十六萬九千五百十七愛克多黎脫。吐尼士酒七萬九千六百四十三愛克多黎脫。按每愛克多黎脫約合中國十斗。錄西正月巴黎時報

米商舞弊

日本長崎向爲聚米之所。該處米商惡習。每將破玻璃擣粉攪入米中。斤兩既多。又減少淨米二升五合。近來米價甚昂。舞弊之人益覺詭謀百出。因於玻璃之外。又將碎石研細。雜和其中。且牛馬所食糠粃。亦有以此物相攙者。不知日官曾有所聞否也。據衛生家言。玻璃石屑入腹不化。且原質滯重。苟墜入隔膜。卽有性命之虞。雖米粒作飯。須用水淘清。然偶不細心。便致受害。若牛馬一物。則口不能言。并亦不知擇食。幸糠粃性浮。硫石性下。否則一經果腹。性命必不能全。日本近來日事講求。乃於此事漫無禁止耶。錄四月商務報

印度金鑛

南印度所屬之庫拉縣。所出金鑛。較前更盛。今將歷年總數照列於後。西一千八百九十年得金鑛一萬四千九百三十二英兩。

匠工資均論錢串。由是虧折而倒閉者時有所聞。頃有武林門之某箔坊主人擬創設機器摩箔廠一所。工既省捷。所出之貨又勻淨堅結。成本頗輕。惟恐觸工匠眾怒。未敢遽辦。杭垣風氣日開。如榨油縫衣造紙等項。無不仿效西法。機器從事。今箔業中如能創設機器。亦盛舉也。約三月新聞報

照錄赫稅司所擬杭州蘇州洋關試辦章程

一凡商船一過大運河東岸之長公橋。卽爲進杭州口之界限。
二凡商船進口。新關派役管押。
三杭州口泊船。准起下貨物之所。暫時從兩旁有紅色旂竿之處起。至拱辰橋之北面爲界限。凡商船停泊後。如未稟准新關。不准移泊他處。
四凡商船進口。須在二十四點鐘以內。將該船牌呈交領事官。如該國無領事官。則呈交新關。
五凡進口貨單。必須船主畫押單內詳細開載。該船艙內所有一切貨物。何字號。何貨若干件。各等情。倘有不符之處。惟該船主承當。按照條約議罰。如有更改之處。自呈關之時起。以二十四點鐘爲限。
六凡起下貨物。或壓載之物。及別物。均須日間。不得在日出以前。及日落以後。禮拜日及給假日。非領有新關專單。不得起下。
七凡商船欲起貨者。自備報單。一英文。一漢文。詳細開載。某字號某貨件數斤兩。及估價數目等情。新關發給起貨單。將該貨起上新關碼頭。以便查驗。征稅。俟查驗後。卽發給驗單。以憑該商持赴銀號照單完稅。掣取號收。持回新關。發給放行單。方准將貨起去。惟洋藥於發給起貨單之後。必須直運新關。洋藥棧房聽候查驗。及並征稅釐。
八凡商船下貨出口。自備報單。一英文。一漢文。詳細載明字號件數斤兩。估價等情。須照進口一式。將該貨送至新關碼頭查驗。俟查驗後。發給驗單。完稅。掣取號收。持回新關。發給准單。方准照單下貨。
九凡商人領單下貨之後。若欲將原貨退回。須將所退回者。帶赴新關碼頭查驗。方准起

去。十無論起下貨物。或轉載貨物。未領新關准單者。亦可充公。
十一凡商船進口。如在四十八點鐘以前。何時起下貨物。即何時照納船鈔。如過四十八點鐘之定時。無論起下貨物與否。即應納鈔。
十二凡商船於未請紅單出口之先。必須將出口單詳細載明該船所裝各貨呈關。如有假漏。該船主亦可議罰。候新關查明進出口貨單。均無錯誤。各項稅鈔均已完清。即發給紅單。該船方能出口。
十三凡商船必須泊在新關指定之處。如欲移泊。必須稟准新關方可。所有船隻須靠船邊。列成一排。留出中間船路。
十四凡商船載有爆烈之物。或引火之物進口。須泊在長公橋之北邊五十碼以外。如未稟准新關。不得停泊他處。
十五凡各商船主。不准將壓載之物。或灰拋入水內。
十六凡在口內停泊之船。不准施放鎗炮。
十七凡浮樁若未奉新關之單照。均不准其安放。
十八凡在本口水面河邊。若未奉新關特發之准單。均

不准動土工作。
十九以上各條。如有違者。按照條約罰辦。
新關每日由早十點鐘起至四點鐘止。辦理公事。禮拜日及給假日停辦。
凡有干於關上公事。信函須寫新關稅務司收啟字樣。
杭州洋關章程 一凡洋船起卸貨物界限。現暫定在盤門外相王墓對岸起。迤東至密渡橋止。
二凡起下貨物。均須日間。以早六點鐘起。至晚六點鐘止。至遇封關之日。非特請專單。概不准行。如未領有准單。私行起下。或所載之貨與總單不符。經關查出。均罰入官。
三凡洋船抵口後。應將船牌等件。交本國領事官照例報關。如無本國領事。託別國領事代報。或逕自赴新關呈驗。亦可。該船由領事報關後。該商應將艙口單。總單等件。以及貨主漢英文各報單。註明貨色件數。斤兩價值等情。一併呈關。請領起貨准單。該貨先運至本關碼頭候驗。由關驗明貨單相符。發給驗單。令該商赴銀號照數納稅。掣取號收繳關。方准放行。
四凡出口貨物。須先運

至本關碼頭並將該貨用漢英文開具清單註明貨色件數斤兩價值各等情呈關驗明發給驗單令該商赴銀號照數納稅掣取號收繳關請領下貨准單方准到船下貨再出口貨物如因船載已滿復行退回者須仍將貨運至北關碼頭驗明發給退貨者方准起回上棧 五凡船隻起下貨物已畢各項稅鈔均經完清應由各船商將所下之貨詳細開單呈關核對無訛發給細單方准開行出口 六凡洋船釐稅完清開行往滬沿途經過黃渡及北卡等處如今新關所發之牌照交出應即呈驗即予放行其由滬至蘇者亦當一體遵照而沿途一路概不准起下貨物 七凡本關除例應封關停辦公事之日不計外每日十點鐘開關至四點鐘閉關凡請各項單照均須稟本關稅務司查閱以上章程暫行試辦倘日後有與本關稅務未便之處隨時核議增改以歸妥善以上蘇州洋關章程 錄四月商務報

法國絲稅

日本駐法國禮安城之領事也馬大致電於日外務署謂法國議政局現擬將入口絲綢貨物增抽稅餉另議條款鼓勵法商販運法國絲出口給以一定利權所議兩事法甚為歡悅云 錄新聞報

湘省電價

湘省電綫已於上月念八日與鄂省武昌局接通即於是日開局照章送報三天所有各處寄電價目 凡同省各局往來每字洋一角至湖北一角三分至陝西四川江西一角六分至山西甘肅安徽廣東貴州一角九分至直隸江蘇福建廣西雲南新疆二角二分至盛京山東浙江二角五分至吉林河南二角八分至黑龍江三角一分至北京二角七分洋文均加倍各省通衢市鎮均設有電局地各不及備載價目俱視省城如無電局之處亦可就近專差遞送加力照章寄收來往各報如須本局譯碼者則須另加

京南鐵路得利

京津鐵路接至看丹村。抵蘆溝橋爲幹路。近又在看丹村分支斜向東北。從草橋北直抵柳村。由柳村至永定門。僅二里許。此爲另一火車支路。近日俄使由津到京。卽從此路火車而來。京內旗漢各官民。以鐵路爲罕見之事。爭往搭車觀玩。不可勝計。凡客從永定門火車至看丹村。只需錢二十文。約二十餘里。兩刻可到。若折回則只取半價。以故火車棧利市三倍。或云不十年而本利儘可收回云。蘆溝橋西至宛平房山縣之鐵路。已經盛杏蓀太常批准。著某甲領憑照議興。工月內將行開辦。此條鐵路爲直達宣化府之嚆矢。以宣屬西山之煤窟。大可轉運。有此鐵路。用機器取煤。出煤之數必多。轉運又便。煤價之賤。可計日而待。且張家口皮貨。蘇姑絨氈等。亦易於行販。誠一舉而數善備焉。錄益聞錄

蘇州日本租界章程

第一條 中國允將蘇州盤門外相王廟對岸。青陽地西自商務公司界起。東至水滌涇岸邊止。北自沿河十丈官路外起。南至採蓮涇岸邊止。卽圖內紅綫所劃之處。照豎界石。作爲日本租界。至沿河十丈地面一層。官路四丈在內。暫作懸案。但中國允日本人。民任便往來行走。上下客貨。繫泊船隻。並聲明不得在該地面上有所建造。將來倘允別國。將沿河地面。列在居留地內。日本亦當一律辦理。第二條 界內道路橋梁。以及巡捕之權。由日本領事官管理。其道路橋梁。今議由日本領事官設法造修。與中國地方官無涉。但照圖內所劃。應設道路之外。若另開道路。凡於彼此人民水利有關之處。須與地方官妥商辦理。第三條 界內地。基祇准日本人民租賃。但華人願在界內居住者。准其租屋。自行貿易營生。至於品行不端。無業游民。曾經犯案。不安本分之華人。

及擾害租界行同無賴之日本人概不准在界內居住違者卽行驅逐不許逗遛倘再故違由該國應管之官懲辦其界內居住之華人凡有詞訟案件及中國地方官應辦事宜務照上海租界洋涇濱會審章程辦理中國應在界內設立會審公署 第四條
界內地價每畝議定租價洋銀一百六十元自蓋印之日起十年內不得漲價十年後則應照界內鄰近公平價值租賃租主業主均不得阻撓抑勒 第五條 界內地稅每畝年應完納稅錢四千文但從蓋印之日起十年內每年每畝只能完納稅錢三千文十年外則每年每畝應永納稅錢四千文其完稅日期每年限定華曆正月十六日起至三十日止此十五日內各租主須將該年應納之稅如數措齊照上海各國人完納之法辦理但公用之道路橋梁井溝等處不納地稅亦不准一人一家租賃 第六條
凡租地時須稟請日本領事官將承租人姓名以及欲租地若干

畝照會中國地方官派員會同踏勘該地有無窒礙始能出租並俟其交清租價及一年地稅地方官應繕租契三紙除一紙存案外其餘二紙函送領事官蓋印一紙交該名收執一紙存領事公署以便查考租契後令租主自立界石再界內地段每人至多祇能租六畝至少亦須租二畝倘有須租至六畝以上者應先具情稟請領事官領事官乃照會地方官核辦 第七條 凡租地必須租主或代理人居住經營若有不得已事故非轉租不可之時須先稟請日本領事官查明照會中國地方官存案方准換契轉租以便查考 第八條 凡租契以三十年爲限滿限後准其換契續租以後永照三十年一換起之例換契時租主應稟請日本領事官咨照中國地方官更換不得再給租價以及別項費用倘滿限不報者應由地方官通知領事官傳諭該名若逾兩月仍不呈報卽將該契註銷以便稽查而有限制 第九條 界內房屋

滬後當可定局矣。錄知新報

鐵路行程

天津鐵路雖已修至馬家堡。惟現在由天津來往之客商。以及各員貨物。至豐苔為止。尙未能直達該處。至豐苔火車開往天津者。每晨七點鐘二次。十二點鐘二刻一次。四點鐘一次。共開三次。馬家堡一帶亦能來往。因石子尙未墊好。故每日只能運料。不能搭人。惟前次俄使到京。則直達馬家堡。錄新聞報

增設碼頭

江西福康公司。創開內地小火輪船。自去歲六月稟辦以來。先於省城九江吳城三處。設立碼頭。每逢二五八等日駛行。並拖帶船隻。其他各處碼頭。尙未開辦。蓋因河道淺狹。擱礙難行之故。刻聞已經專人至滬。購買疏河機器。運至江垣。次第開濬。是以該公司於吉安府屬設立碼頭一所。大約四月左右。當可竣事。他如饒州府及樟樹瑞濱各口岸。不日亦當開辦矣。錄集成報

銀行議駁

盛杏蓀京卿創辦中國銀行。所擬大概章程。內有四條。聞經總理衙門戶部議駁。一報効國家保護維持之利益。須提五成。二該銀行只准滙兌銀兩。不准再奪別行生意。三收存商股銀一百萬兩。須先交存戶部七萬兩。方准開用銀票。四擬領生息公款。須先儘戶部存放。倘國家有急用。官銀行須竭力擔承。照滙豐例不得推諉。錄博聞報

驛務章程

香港驛務司擬定遞寄信件章程。第一款自西三月初一日起。凡在港華人寄往以下各埠信件。均須彙齊送到驛務署代寄。計開北京 天津 牛莊 煙臺 重慶 宜昌 沙市 漢口 九江 蕪湖 鎮江 上海 蘇州 杭州 甯波 温州 福州

廣東 海口 北海 龍州 蒙自 第二款所有信件須用布袋載入細紮堅固外面寫明寄某處某信館每袋不得重二十五鎊第三款凡自香港寄廣東信件每重一安士寄費四仙士袋重於寄費照除第四款每布袋外繫一牌一面寫明寄某處信館一面粘貼信票按每安士申華權七錢二分其信不過半安士寄費折半 錄倫敦郵報

鄂布價值

鄂省官織布局所織之布較外洋運來之布不惟厚重而且緊密現下價值如牌名天字者每疋三兩二錢五分地字每疋一兩三錢五正頂每疋三兩四錢五頂號每疋三兩三錢五 錄新聞報

商務叢談卷二終

丁酉利濟學堂報商務叢談卷三目錄

澳門免稅

法國貨價

糖煙日少

商品設所

蘇州關道陸觀察擬租地章程

中國商務繁盛

江鄂茶價

西國貿易出入類誌

火油獲利

添開租界

茶商日困

稽查商務

大版商務

預定船期

浙省商務

杭州租界記

鑄錢日增

美德市場

護持紗廠

定船求速

日商積習

新加坡華商會館規條

廈門劃界

日貨暢銷

德省通商情形

晉國招商集股章程

杭州電燈告成

蘇州洋務局議定租界租地章程

華英商務

立口通商

德探商情

紗廠紀聞

扇業暢銷

申明定律

商務叢談卷三

彙編二之六

澳門免稅

澳門接葡京來電按照第三條章程施行凡輪船之由香港羊城
北海口及西江各埠到澳者概行豁免船鈔及別項稅餉云葡官
此舉大抵為招徠生意起見然澳門港口淤淺灣泊不便船艘視
為畏途恐亦難增興旺也 節循環日報

法國貨價

法國稅務衙門近將一千八百九十六年統歲進出口貨價刊印
茲錄其略進口貨價值三千八百三十七兆十四萬七千佛郎比
較前年多一百十七兆二十四萬八千佛郎出口貨價值三千四
百零四兆六十四萬三千佛郎比較前年多三十兆八十四萬七
千佛郎 錄巴黎時報

糖煙日少

紙送道核明無誤於契內鈐蓋印信除以中契一紙存案外其餘上下二契函送領事官加蓋印信以一紙交承租人收執一紙存領事署備查該契以三十年爲度年滿另換新契執守 一租價議定無論何國商人每人租地至多不得過六畝至少亦須至二畝日商租價以道路橋梁等費均自彼出是以不分上中下等次每畝一百六十元各國商人租價仍照原議上等每畝二百五十元中等每畝一百六十元下等每畝一百元又不論何國商人於華歷光緒二十三年二月二十五日即東歷明治三十年三月二十七日西歷一千八百九十七年三月二十七日起十年之內每年每畝繳年租錢三千文十年以外每年每畝繳年租錢四千文 一轉租 凡議租地畝必須詢明實係該商自己租用並非代他人出名租用方准立契租給設承租後有萬不得已之事必須將該地轉租他人應行稟明領事官照會本關道查明註冊另行換立新契如有並不稟明私相授受自爲輾轉租價者一經查出將此契作爲廢紙 一墳墓 界內墳墓最多之處議明由我國築牆圍護如有洋商議租地畝查係墳墓最多之處應由公所紳士力勸留出以免發掘之慘其餘零星墳塚查係勢難避讓者方由錫類堂紳士代爲遷埋設洋商在於所租地內開掘地基或溝渠遇有骸骨須速通知勘地公所或洋務局設法掩埋不得任便拋棄至洋商填築地基所需泥土必須向遠處地方購取不得在界內任便掘用致啟爭端 一收款 由公所紳士兌收地價後即行稟解藩庫存儲一面報明本道備查俟收有成數分別提還所墊建造官屋關署及築路等經費仍於每千元內提出五十元以爲勘地公所紳董暨洋務局會丈委員津貼辦公之用歸各該員紳自行公議開支 又擬呈經管建市屋章程 一管屋宜專責也此次房棧建成後應先繪屋圖六分呈送督撫憲暨藩司

三

職道並發蘇州府道庫廳分別備案。以後即責成道庫廳經營。按季將有無損壞及租戶居住緣由報明。司道暨首府查考。一收租宜稽查也。房棧既歸道庫廳經營。所有放租收租等事。應即由道庫廳辦理收繳。隨時報由職道加派該租界巡查委員覆查註冊。至年終彙總造報督撫憲備查。以歸核實。一修理宜限制也。房棧無歲修之費。每易損壞坍塌。擬請十年內。以每租金一百元提六元為歲修。十年以外。每租金一百元提十二元為歲修。其修費應由道庫廳會同住居該屋之租戶公同商辦。註明租摺備查。仍按季彙總造報。一租金宜慎儲也。蘇州新開商埠。尚無絲毫閒款。辦公甚為支絀。此項房棧租金。應請專儲道庫。以為洋務公用。但非先行詳奉督撫憲核准。不得擅自動支。錄滬報

中國商務繁盛

國民報云。中國去年貿易總額三億三千三百六十萬兩。關稅二千二百五十七萬九千兩。蓋為近年以來。未嘗見之殷盛。中國既失臺灣。關稅之入。猶且如此。比之前年。則實增多一百一十九萬三千兩。其商務之殷盛。亦可見焉。錄集成報

江鄂茶價

九江茶棧。上月運到毛茶不少。各處價值。通山茶每石三十兩。三十一二兩不等。甯州五十兩左右。河口茶五十四兩。上下又湖北之茶。咸甯崇陽通山等處。每石價約三十三兩。錄農學報

西國貿易出入類誌

昨歲美國與各國貿易。其金銀出入之數。輸出總額十億五百八十七萬八千四百十七元。比前年所輸之數。共增一億八千一百萬元。輸入總額六億八千五百六十二萬三千三百三十三元。比前年所輸入者。共減一億二千一百萬元。其輸出之多。為近年所未見。輸入之減。則由於進口之貨多無稅之故也。去年德國與各國

貿易其出入之數輸入者一千六百三十五萬磅輸出者一千三百十五磅。法國關稅局報告云一千八百九十六年與九十五年比較其與各國貿易輸出之數共增百分之一輸入之數共增百分之三。錄日本經濟新報

火油獲利

法屬雅爾涉利地方有火油泉得於一千八百八十九年源長數里取之無窮十年之中已獲利四百七十一萬佛郎一點鐘已取得火油五千桶刻聞中國四川地方有人新開油井惟油質混濁須參以格致之學方可燃燈云。錄商務報

添開租界

德人擬在上海開闢租界駐滬德總領事謂此舉現未定妥聞去歲德人在天津漢口設立租界今復欲在上海仿辦英人因此不悅蓋上海商務向屬英人故恐德人分其利權也。錄華北新報

茶商日困

廈門英領事官加吾拿君將去年該處茶務情形詳報千八百九十六年本埠茶務無大起色按本埠茶務向藉臺灣為漲落查是年該處運來本埠轉售別處之茶共六十兆五億三萬三千磅比昔年增多一兆二磅其中有茶二十七兆六十萬磅為本埠茶商由淡水辦來販往別埠又有三十二兆九億三萬三千磅為淡水華商付來轉售者是年茶葉收成頗佳而市價亦得中淡水茶稅自歸日本征收祇有出口每百觔稅銀一圓一毫二仙並無別項稅餉不若前日中朝所抽稅釐共銀五圓八毫二仙之多故今日之茶雖美而價反廉於昔也至於廈門土產之烏龍茶祇得一兆二十萬磅比去年減少十分之五六因種此茶之地多荒蕪不治實因重稅之故如出百二十萬磅之茶祇值銀十三萬六千圓釐金去其二萬圓出口稅復耗其三萬五千圓業茶者所獲贏餘尙

有幾何。况能值十萬餘圓之價者。猶恐未必皆是。即以廈門之茶務而論。其所受之害。亦與別方茶務相同。皆中國釐稅爲之仇敵也。傳聞中朝有意整頓廈門茶務。如有實意整頓。非將茶之釐稅盡除不可。卽不能盡免。亦當訪別國產茶之法而行之。中國之失計。莫此爲甚。蓋重抽茶稅。無異禁其出口。甯使茶地拋荒。農人失業。中朝於此。果何益之有哉。豈中國深恨西人。欲以此法而絕之乎。獨不思其民之生計日困。則朝廷之餉源日竭。百姓不足。君孰與足耶。是年中國之出入口稅。曾稱豐裕。此不過華稅之皮毛耳。若當道誠能爲國愛民。整頓茶務。將見稅項之多。何止倍蓰不然。竊恐廈門之茶務無補救之法矣。近聞福州漢口有茶商創設捲茶葉之機器廠。當道不甚阻壓。聞者無不額手。惟有識者則曰。天下最妙之機器。亦不能補救中國之茶務。惟有將釐稅二項盡行豁免。兼用機器相輔而行。庶可振興焉。節知新報

稽察商務

德國已派探察商務員八人。游歷東洋。將至上海。蓋欲稽察棉絲繭絲製皮礦物等之情形。中有理財學家某君。又領事胡那勃氏亦同往。擬四個月在中國。四個月在日本。約國民報

大阪商務

日本通商之埠。雖有八處。然中西商客之薈萃者。除長崎神戶大阪橫濱四口之外。餘皆寂寥無幾。而四口之中。商務之盛。當以大阪爲首。按大阪卽浪華。又名浪速。屬畿內道。倚山面海。天然形勢。爲西京之門戶。豪商巨賈。莫不聚集於斯。茲據該埠每日新聞云。近年府下資易。非常進步。就中商工二業。尤覺發達。而資本亦巨。爰查得現有農工商諸公司會社。工廠銀行。都計二百四十一所。內農業公司會社十四所。其營業分八種。工業公司會社一百十七所。又集貲合辦者八十二所。連名合辦者十六所。共計二百十

五所。其營業分八十二種。商業公司會社七十四所。連名合辦者三十三所。共計一百九十二所。其營業分六十六種。觀此則商務之旺。亦可想見一斑矣。錄蘇海彙報

預定船期

日本有公司郵船。兼搭客載貨。周行天下。而福州一港。因海程不順。向無定期。茲聞該公司擬定每月來閩一次。此次入港之相摸丸。即該公司之船。下期定於在本月廿五。有長門丸者到。更聞日本現製有商船四艘。曰基隆丸。淡水丸。打狗丸。安平丸。往來日本臺灣及廈門福州等處。攬載行客貨物。大興商利。日廷撥出帑款。贊助該公司。俾不慮乎虧折。而福州輪船公司。所購之十餘船。屢請當道准行。福甯興化等處。未經批准。現除內江所駛數艘外。尙有四五隻停泊無所用。甚爲可惜。然則福甯興化等處。將至終不駛輪船乎。抑留此港以待強有力者爭利乎。噫。是固皆未可知者也。錄福報

也。錄福報

浙省商務

浙東西所設繭行。今年大半停閉。報開者不過十之二三。而衢州商辦之礦務。所得不償所失。業已中止。電氣公司。亦以集股不成。作爲罷論。錄集成報

杭州租界記

日本在中國新開蘇杭口岸。前在蘇州購買地基。開辦租界等事。已經辦理就緒。茲又在杭州購定地基二十萬坪。作爲租界。聞每坪計日本尺六尺四方。價銀一百六十元。一百六十五元。一百七十元不等。想不日當即開辦租界一切事宜。從此東洋貿易日。益繁盛矣。錄指南報

鑄錢日增

英報載英國錢局。於一千八百九十六年。異常忙碌。是年鼓鑄金

銅錢多於九十五年者。有二千三百餘萬元。而三項錢文。無一不增。代新疆屬地鼓鑄之錢。銀者減少。銅者增多。十二個月中鑄成之英鎊及半鎊之金錢等。計共六百二十八萬零六百七十枚。較前一年具報鼓鑄之數實多一百餘萬。鑄成之各式大小銀錢。統計二千五百九十七萬零八百三十九枚。亦比去歲約增百萬。至於本土與半本土及法應等式大小銅錢。添鑄二千四百五十萬枚。為數尤鉅。收回之金錢。計值二十二萬六千一百六十八磅。收回之銅錢。計值十二萬二千八百六十磅云。錄新聞報

德美市場

近日美國鋼鐵價極昂。煤價亦頗騰貴。銀行間有閉歇者。惟銀市尚屬暢旺。德國生理興旺。煤斤銷售甚多。凡礦金機器及木料等俱蒸蒸日上。日前有小銀行數家。因各處生意場中俱獲厚利。即議加增資本。錄集成報

護持紗廠

杭省通益公紗廠。董事丁丙。因商股未齊。一時不能開辦。稟商撫憲廖中丞。籌借官款十五萬。或二十萬兩。以維持商力。刻聞中丞已一律允許。惟因庫儲未充。預借十萬兩。已將銀兩如數撥解矣。錄四月新聞報

定船求速

客歲中朝向德商購定鐵甲快船。速率本定二十四海里。嗣以尙嫌滯遲。又每船加兩海里。加銀十餘萬兩。德商已允其照辦矣。錄四月新聞報

保險利溥

巴勒洋行。為中西各國水險公司。生意之大。允堪首屈一指。備存資本共洋二百五十萬元。茲悉其一千八百九十六年。實收水險費洋一百七十八萬六千七百九十九元二角。除付是年賠款洋

六十四萬零七百十八元八角。又付各項費用洋八萬八千八百四十八元四角。暨各口代理費用洋二萬七千四百四十元零六角外。是年實獲盈餘洋一百零二萬九千七百九十一元四角。其利之溥如此。錄四月新聞報

日商積習

容某論歐人在日本行商掣肘之事。謂日人訂購貨物。苟價值陡跌。往往多方爲難。不肯收受。必指言所購貨物。由患疫口岸載來。須查驗有無瘟疫。令羈縻時日。必照原價減去百分之十。或百之十五。乃樂於收貨焉。昔年舊京賽奇會。所陳出售貨洋。無一不價廉物美。及往本店求買。則同一物也。而價倍昂。問其故。則曰。苟以實價標明。會中不肯將貨物陳列。因不得不照所定章程標價。蓋如此方令天下見日本之物。皆美而廉也。容某復言日本關卡抽稅。並無定章。惟以外人土人分稅之多寡。節西十二月巴黎日報

新加坡華商會館規條

大地既通。萬國交涉。處變則戰。以兵。處常則戰。以商。故商戰尤重於兵戰焉。近東西各國。無不設有商會。章程週備。通財合力。所以壟斷權利。爭先取捷。舉國商民。既沾其益。而國家亦或收其效。如英之取印度。不過以十二萬金之商會爲之起點。蓋與商大利。莫有善於此者也。中國向無商會。號爲散商。各立行棧。不相顧恤。商務中一切利病。既無從講求。而市貨盈虛。價情低漲。亦懵然罔覺。故洋商得以持其緩急。每每把持抑勒。而人懷其私。袖手旁觀。不一援助。如此而欲興商務。何異求進而卻退也。又華民之旅於外洋者。日益眾多。領事既未遍設。卽設亦不能助華商之力。而寄居強圉。受治外權。若無商會。尤無以爲抵制自保之地。上年總署議各行省設立商務局。各省遵辦。漸有所聞。近悉旅居新加坡華人。創立華商會館。擬定一切規條。頗有泰西議院之風。其入會者皆

先納貲若干其總理董事皆同人公舉有年會月會之期有關繫商務利弊交涉之事及華商爭訟等情皆由總董集議公斷合眾禦侮集財興業他日收回華民自治之權當於是萌芽矣聞此館乃合福幫廣幫潮幫三幫人而爲一倡是議者始自福州人現雖定議事未成也今得其會館規條亟先錄之以勸來者 一本會館稱爲華商會館 二本會館之設原爲保護生意而起凡生意場中利弊有關於眾者必盡力設法興除創立成規藉資遵守與凡一切爭執錢債細故兩造經投調處亦必代爲秉公裁斷 三凡入本會館者須先納館底銀擬分三等一等納銀三十六圓二等二十四圓三等十二圓 四凡屬本坡做生意之人以及行店殷戶人等准入爲本會館同人其出行店名字入分者分爲三等一等每號每年定捐規銀十二圓二等捐銀八圓三等捐銀四圓出入名入分者亦分三等一等每名每年定捐規銀六圓二等捐銀四

圓三等捐銀二圓以上二款俱定於每年春二月完納 五本會館開辦之後不拘何時如有人再欲附入者亦准隨時附入但須總理協理人等集眾議妥以人多准者方可 六凡有議事及公推總理協理各事不准他人代替並館內同人有欠到規項未經交楚者即不得與有公舉之權然每間行店只准一人開聲公舉 七凡有列名於本會館內之行店如各股東俱不在店可立憑授權與司事人到館公推議事 八會館中之人如有立意違犯本館規條者任由總理協理人等集眾公議將其逐出然必須在場者有過半皆云應要逐出方得施行 九凡遇年會並特會之時至少亦須有會館內之人十名到場方能作爲合規否即改期再議 十本會館應辦之事及銀項出入事務須於年會時公推董事人二十三名辦理於此二十三名內再推選三名總理以爲主席副主席司庫之職其餘二十名即爲會辦協理凡辦各事有八

位到場便作足額。可以便宜行事。如有游移不決之事。即准捨少從眾之法。倘或從違各半者。即決之主席。十一總理人等每月至少亦要會議一次。是爲月會。或從多次會議者。則由主席副席傳簽請議所議之件。須先在傳簽內題明。再將事由表白。安放議事桌上。以便會館內各人得以閱悉。如齊集時。主席副席均不在場。則在場之人可以公舉一人。權當主席之位。十二如遇總理協理等。其虛懸者。可集眾暫行掄舉別位充補。俟下屆年會之際。再行公推。十三總理人等。須照公允請司理人一名。副理人一名。十四本會館定章於每年二月便即集議一次。是爲年會。但同人等因有要事。欲請額外集議者。則須由主席副席先行傳簽聲明其事。方能集議。十五凡諸要事。有礙本坡生意。或與中國及別處懋遷之業有礙者。均可於年會或特會時議及。然必須於五日前。將其事由列出。傳單通佈。俾眾預知。十六總協理等如

故增改章程。或訂立新章。可將事由於十日前傳單集眾公議。以便舉行。十七本會館之銀項。由總理協理等議妥。安放銀行。如遇取用支銷。由司理人簽名。復由司庫加簽。方得取用。如司庫不在叻地。則總理協理等公舉一人加簽亦可。凡一切應開銷之項。總理協理等於平常月會時。將其數目呈出。至於本會館年結數目。由同人內推舉二名。查核妥後。簽名數簿內。再將總數列出。黏貼館內。以便同人隨時查看。十八本會館每年須備辦報章一摺。將經辦之件詳敘。俾會議准行後。刊印派送諸同人等。十九以上規條。除刊印外。仍須照式登正於本會館錄事部上。俾凡入分之人。於入時得以簽名其上。以作底據。二十本會館司理人及副司理人。每日由早十點鐘。至下午四點鐘。均要在館內聽候。以便有事。即行通知。應議之人。二十一本會館凡有會議事件。或代人調停各事。司理人或副司理人。須要在場。凡本館經辦之事。

以及數目一切須設部存記。所有生理形狀往來書信亦須存底。並會館內一切應辦事宜如總理協理等要辦者司事人亦要承理不得推擋。二十二凡一切應行通傳事務歸諸副席或司事人辦理。二十三本會館內文件等不許亂動別挪所有本館經辦各事如無總理協理等之命亦不准外揚。二十四凡有事要在年會或特會時議及者須預早五日通知司事人以便傳帖通知應議之人該帖上須敘明所議何事。二十五本會館創設之始未能建屋則先暫稅會館一間所有經費即在本館公項內支銷如各友有自願送銀項書籍物件一切凡有用於本館者均准領受以歸公用。二十六總理協理等每年須於其中公舉三位以便專理本會館調停爭執公斷是非之事。二十七調停爭執公斷是非事件每一件事公斷人至少應得規銀五圓至多不過二十圓此外加收會館規銀至少十圓至多不過一百圓其應收

規銀多少由調停之人酌量事之輕重費時日之多寡而定如到求了事之人以擬取之銀過索不公則可決之總理協理公論。二十八本會館應收之規銀應由兩造爭執之人具安保結擔認方可代理至該規項應由兩造中誰人支理亦憑公斷人秉公判斷。二十九凡有事投到本會館求為調和公斷者即由公斷人再行選定公親首領之人不拘調和何樣事件兩造須要案照臬衙所定章程簽名立單存據本館方可舉行代辦凡向本館求情調和事件兩造之中至少亦有一位係屬館內同人方准代為理處如兩造均與本館無涉者則不許代為調停。三十凡爭執是非事件經本會館調停公斷之後兩造之中有因證據未得齊全或因情理未能詳剖以致未洽於心不甘輸服者可於判斷後三日內以字報明本會館請限二禮拜將其事再斷屆時兩造各於本會館董事中添請公親三名聽其自擇照常捐出規費再行聽

斷視從違之人數多寡而定其曲直以昭公允若其事於初斷時證據昭然情理確鑿則本會館不允再聽 三十一本會館每日應派總理協理董事二人輪流到館視事逐日由上午九點鐘起至十一點鐘止再由下午二點鐘起至五點鐘止該值日董事務必親到館內若有急事或疾病或暫往別埠者應先時書報司理人以便通知主席派人權理否則議罰 錄知新報

廈門劃界

廈島周圍止三千里許通商之界惟海口一隅又不甚廣自礮臺沙波尾廈門港寮仔後島美新填地以及海灘一帶不過三里許商客生意聚集於斯取其輪隻便捷出入各貨易於運載近悉自礮臺至沙波尾一帶定爲俄國租界自廈門港至寮仔一帶定爲日本租界新填地一帶爲德國租界惟島美一帶依舊歸英掌管省憲札委辦理此事爲前任海防廳張司馬兆奎 錄博聞報

日貨暢銷四則

西曆今歲四月分日本煤炭販運出口者共有十七萬二千六百七十一墩值銀八十七萬二千三百四十八元比諸去年四月多值錢二十五萬元有奇 西曆本年春季日本棉紗運至中國者共有二萬五千三百九十包入夏以來當又有萬包目下華商在日者尙多方購辦逆料將來市價必大有起色故預作壟斷也或曰花紗以美國美思涉鼻河地面爲最多因彼處前遭水災棉地沖決將來價值必高出異常 日本茶葉雖不及中國之佳然日人留心種植加意製煉洋人亦有購之者得四月二十六日橫濱消息言今歲各洋行購茶頗多就今日開行之間拿打火船計已載去九十八萬五千斤 日本製造自來火柴東京及神戶運往上海天津烟臺等處者不少卽神戶一日而論上年不甚興旺時亦有四十六萬四千七百箱 錄廣報

德國通商情形

德國商權擴張於東洋諸國，蓋世人所共見。其在西歐商權亦甚為展擴。英國駐亞莫士的兒當荷蘭之京府領事見德貨將奪英銷路於荷蘭國內，慨然報告於本國政府，且具陳德商沮礙英商之事，開列於下：一、德商作買賣皆用信約之法，故頗多隨便。若英商則不然，多用現銀交易，且於既賣貨物之後，或被買之者詰其貨物之不佳，彼心亦不顧慮。德商則頗用意於此間，稍從寬例，故論者多贊美德商也。二、英國度量權衡多不合宜，如不更變舊日所用之制，則英國製造業家等與執逢十進位制度之國貿易必多不便也。十進位即以十進位之謂，如以十錢為一元之類也。三、英國以類分別貨物，銅品及鐵品則無分別，如英國為其分別，則須準據歐洲大陸之例。現如德國最稱得法云。四、德國好採用保護商業之制，故輸出外國貨物亦頗從廉賤也。節時務報

晉省招商集股稟定章程

一、晉省此次籌辦商務事煩款巨，首為開采煤鐵業已勘定，平定潞澤三處礦苗最旺之處，以次購機開廠分爐煎煉，隨時運銷。次為火車鐵路，係與煤鐵鹽務運銷相輔而行，潞安平定兩處并擬接入蘆漢幹路，借可搭載客貨，廣開利源。三為機器紡織，即以本省棉花毛貨織成布疋毡毯，分路行銷，免致利權外溢。餘如蒲萄酒、煤油、自來火等，皆擬次第招商興辦。計購機爐鋼軌買路設棧，一切約需成本銀八百萬兩以上，方敷周轉。現就本省所招股本銀兩，先行擇要試辦。一俟商股招齊，即當次第辦理。一、用款既多，不得不廣為招徠。除本省紳富官場由總局收銀付息外，所有外省招商集股事宜，現擬稟明撫憲，札委妥實紳商分赴外省通商各口岸，廣為招集。其收款滙解，統由新泰厚大德通大德恆等票號就近經理。一、所招股本每股庫平足銀一百兩，為一股自

至干股皆可附搭每股作兩次交自註冊之日起每股先交銀五十兩付給局中收條半年後定爲二次交銀之期再交銀五十兩卽將前次收條繳回由經手之票號換給股票息摺以憑取利分紅如第二期之五十兩不交卽將股分銷除并將以後應得紅利扣除不能分派 一晉省設局官督紳辦照中國買賣常規參以外洋公司章程所有各項司事多於商股之中選充以期得力不派委員并除去文案書差名目其挂名乾館之類一律禁絕糜費既少利息自豐至各項出入均有總簿每日有流水每月有小結每年一總結隨時皆可查核有股之人亦可隨時入局察看開辦一年之後按年刊刻總結清單分寄各省俾有股者一覽而知以免蒙混侵蝕各弊 一各股應得息銀均自各事開辦之日起算如礦務係從開鍊煤鐵之日起鐵路係從開車行走之日起織布係從開機動工之日起每年除正臘閏不計外其餘十個月按五

釐行息餘外再分紅利付利分利皆於每年臘月中旬由晉省總局先期知會各省卽由各票號就近按摺支付 一商局辦有成效至結帳之期除將每年官利應提稅課及紳董礦師薪水局費勇糧一切開支外作爲十股計算二成提充公用一成提作總局花紅餘七成按股均分作爲紅利如擴充鐵路及推廣生意需添湊成本之處或卽從此七成內提款或另請股東添本均由總局臨時知照股東辦理 一股大任重計派人常川在局充當司事以便稽查凡股分一萬兩以上准派一人二萬兩准派兩人到局應辦何事應受薪水若干須由總局量才酌派若其人不稱職或不安本分准由總局隨時辭退仍請原主另派不得徇情悞公 一本局興辦各事需才甚多所有司帳監督工匠人等均量才器使約給薪工按月支發不准挂借挪移除飯食燈油紙張雜用按照實數開銷外所有應酬等項概不得冒銷倘有侵漁虧空等弊由

局總辭退另舉。仍惟原保之人著追賠墊。以重公項。一晉中五金各礦最多。自設商局後。不得任意私開。如各省有願出已資集股開採者。除平定潞澤三處外。准其妥議章程。稟由地方官詳請大憲核示。一面親到總局公同考核。俟奉批准後。再由本局照章勘驗。稟明後發給憑單。收取貼費。俾令開採。此外如織布製造洋火紙酒之類。凡須購機辦理者。皆許各商出名認辦。然總須由總局發給憑單。以昭畫一。如有私行招股。虛設公司。影射漁利。欺騙所至。或累及本局聲名。一有風聞。卽當認真查察。稟請嚴究。一晉省設局。量力任事。嚴禁糜費。可無意外虧折。如或日久利微。亦斷不累及股主。派認虧空。特先聲明。俾無顧後瞻前之慮。一買得股票後。或有要事需款。願將股票轉售於人者。聽其自便。本局按期付利。但憑股票股摺辦理。惟不准中路抽掣股本。緣股銀皆已成貨。不能搖動大局。一各廠章程。均用西法開礦之西師製

造之洋匠。均須稟明撫憲。函知出使大臣。在各國訪延名手。訂請來華綜理一切。庶不致虛糜巨款。一晉省設局。官與紳商同心合力。不恃官勢。不侵商權。銀錢帳項。買賣各事。紳商經理。彈壓地方。保護利權。官爲主持。如有事涉衙門。有紳承當。決不致貽累商民。無可疑懼。一晉中設局。本係創辦。凡各省官紳士商。有能明晰機器製造礦務利弊者。或訪聞總局中有何弊端。無論有股無股之人。皆可來局面談。或路遠以函相示。要知此事爲保我中國利權。凡我中國之人。諒無不願襄成此舉。本局中深願集思廣益。決不敢自私自用。蔽塞聰明。一本局創辦之始。周年行息。初定三釐。因恐商情不能踴躍。故改定五釐。此後無論外省本省。一律以五釐起息。以廣招徠。查各公司章程。有隨時擇便酌改之例。本局此次重訂與前訂者。微有不同。總期振興商務。非敢好爲紛更。以上招股章程十五條。均稟經大憲核定。先行刊刻。俾眾周知。此

外礦務鐵路織布等事。各有專訂章程。隨後稟定刊呈。特先聲明。
錄益聞報

杭州電燈告成

杭垣現設機器電燈公司。在城內萬安橋左近。先定大燈五十盞。小燈三千盞。核計成本。能點至小燈二千盞。每月公司中一切開銷。及股友官利。均可敷本。然至二千盞以外。則皆係贏餘之利。已由上海信義洋行。代為招股。一面即託該行向德國定購機器。攷電燈原屬泰西成法。近年上海店舖。以及輪船絲紗等廠。久已仿行。見者莫不稱美。且電氣燈光。亮色白。並無火燄。手近燈邊。並無熱氣。用燈燃熄之機。皆在電廠。機關一轉。可免回祿之災。每日取制錢二十五文。不歸公司製備者。每日取制錢二十文。欲燈樣之新奇。燈光之倍大。照加。弭大患而利市廛。將於此電燈卜之矣。
新聞報

蘇州洋務局議定租界租地章程

一租界之地。分爲上中下三等。凡在界內東北兩邊沿運河自官路界起。進深一方段。作爲上等地。每畝租價洋二百五十元。再進深一方段。作爲中等地。每畝租價洋一百六十元。其餘無所區別。均作爲下等地。每畝租價洋一百元。自光緒二十三年七月初一日起。十年內。每年每畝完納稅錢三千文。十年外。永遠每年每畝完納稅錢四千文。此外並無他項地租。所有稅錢。託領事官於每年正月內。向租戶照數代收。繳回中國地方官。由地方官給回收據。二凡租界內。凡有約之國商民。均可在此照章租地。遵約建造屋宇棧房。但欲租地。必須稟明領事官。並備應完地租。以及本年内應納稅錢。照會中國地方官收訖。由地方官履勘該處。即印發租契三紙。由領事官會印一給租戶。一存領事衙門。一存中國地方官衙門。一經承租之地。遵約照章。歸租戶租用。惟每人只能

租六畝爲止。三所有租契應以三十年爲限。滿後應准換契續租。以後永照三十年一換契之例辦理。限滿不報即行註銷。遇有限滿年次。租戶報明。立即准其續租。租戶毋庸重納地租。兩國官員均不得稍有有限限制阻撓。令租戶吃虧等情。四一經租給之地。只准租戶遵照條款定章租用。如有轉租事故。於轉租之前。必須稟明領事官。查明核准後。照會中國地方官。接續租用。凡承接轉租之人。須立有和約之國商民方爲合例。五凡租界內不准搭蓋草屋及下等板屋。恐易引火。貽害他人。至火藥炸藥及一切有害人身家財產之器物。概不准收藏。夾帶運送。一經由官察出。或他人告訴。各照自國律例懲辦。設有工事。必須應用炸藥等件。應先稟明領事官。作何用處。開明清單。稟報聽候查明。照開清單。知照新關。由稅務司查明。方准起岸。起岸之後。即須用去。不得久留貽害。六租界內所有橋梁溝渠馬頭道路等項。由中國地方官

自辦建設完固。所有各項工程。設在何處何方。及修理之法。領事官可與中國地方官商議。施設所有修理費用。中國地方官與領事官會商章程一體籌捐。以昭公允。而期久遠。七所有商民在此界內。往來僑寓。中國地方官自應按約保護。所有巡捕房事宜。由中國地方官會同稅務司設立管理。錄時務報

華英商務

英國月報有名曰理財生利者。近著一論。略謂去年。即西曆一千九百零六年。英國與他國通商。甚見旺相。一年中入口貨價。通值英金四垓四京一兆八億七千餘鎊。照市約合華銀二千八百餘兆兩。出口貨價。通值二垓三京九兆九億二萬二千餘鎊。約合華銀一千四百餘兆兩。彼此抵算。共溢輸出口英金二垓零二兆餘鎊。約合華銀一千四百兆兩。爽日子曰。於戲。若以中華治國之道。英其能支持幾載乎。中國一年出入口貨價。約共值銀二垓二京兩。即二百兆。即以盡輸出口而言。較諸英國。曾不足十

分之二。況有出口貨價可相抵制而已。以通商爲詎病。英國每歲溢輸出外者。類不止十垓金。何以並不患貧。且更蒸蒸日上也。此其故可深長思矣。至以出入口貨價合而言之。英國共值華銀四千二百兆兩。而其人口則不足四十兆。均合勻計。每人應占一百零五兩。中國共值二百二十兆兩。而有四百兆人。計每人僅占銀五錢五分。然則英國一人。不幾抵中華二百人乎。何況英國之天氣地脈海水人數。皆遜於華。而乃以二百華人抵一英人之用乎。藉非人才之銷鑠。何致此乎。於歲欲不歸咎於教化之不足。其可得乎。錄萬國公報

立口通商

日本政府擬將福岡府舒以錫縣改爲通商口岸。經議院妥議。現已購定地基二十一萬八千一百二十畝。以便建立稅廠舖戶棧房等項。錄日本郵報

德探商情

上海西報云。德國近欲振興商務。特派員東來採訪市情。於四月間已抵中國。今查該員等。係奉德廷並柏靈某商務局所差遣。而來者又該員中有名士佐士。與名喬善者。乃貿易布疋精練之人。有名槽亞士。與名古夔士者。善織絲綢。有名廉乞者。善販牛皮。有名高沽士者。精於棉業。其名古羅士滑治文者。精製鐵器。其名乞迪者。精販羊毛。其名士琴墨架者。爲掌書記。此等委員之來意。與英法二國之商務委員相同。及三國委員相遇。接見甚歡。因華人漸喜用西人之物。故德國製造家。先遣人探情形。今果見貨物在中土。甚爲暢銷。該委員等得此情勢。不負德廷委派之意。且比昔日以色列人。由迦南訪來消息。更爲確鑿。委員初到香港時。在港迎之者。乃廣州德領事納蒲君。時適兼署香港領事。由納君引導諸委員。前往廣州。又往其附近要地偵探。所到之處。喜見其土人

製造貨物之法。每見華商無不極意周旋。記其所採紡織。醃皮諸事。最留心者。是欲知華工需何生料。並華商能銷何物。又常與華商敘談。查得許多市道。爲向日各領事官所未詳覆者。皆大益於商務。德員一一筆之於書焉。及到上海。倍加留心。此方之商務。蓋以上海爲中華輻輳之區。又特沂揚子江而至漢陽漢口一帶。漢陽鐵政局。並附近煤鐵諸鑛山。亦游歷殆徧。南至蠶桑大興之地。如蘇州與湖州諸處。極求華人養蠶之法。又到杭州甯波等處。別尋出諸多佳況。擬將登諸日報。今復由上海往訪天津烟台北京牛莊並北方通商諸口。次則暫往高麗一游。即便取道至日本。考求一過。復至上海。而後往福州廈門汕頭等處。又聞各委員預便成書。歸達本國。而士琴墨架已常有文回覆德廷與商局。此等委員。皆幾經閱歷。其所考得之事。必多可聞可述。爲諸領事官所未嘗及者。自其到中國以來。可謂事事稱心。確能考得實情。以副德國工廠之望。將來商務大振。德國於東方之利權。亦日大矣。錄集成報

紗廠紀聞

鄂垣自設紡紗廠以後。風氣大開銷場日旺。大有應接不暇之勢。當道大憲因就織布廠側。另建一廠。較諸前廠。規模尤爲闊大。今春已招女工若干名。在內工作。茲聞多有未便處。當事者遂擬改招男工。不知究竟將如何也。錄申報

扇業銷場

日本去年輸出扇子二千二十八萬七千八百七十二把。價值六十九萬三千八百九十二元九十四仙。比前增八百七十一萬四千七十二把。二十九萬四千三百七十三元七十二仙。銷路以美國爲最。英法次之。去歲扇價較前增十分之二。節官書局報

申明定例

爲申明定例出示嚴禁事。照得市塵之間，錢莊倚各業爲流通，各業賴錢莊以周轉，彼此相資，往來信實，可同沾利益。倘或各莊舖虧倒疊聞，甚且侵吞藏匿，致被其累者，頓然歇業，又或相連倒閉，動輒盈千累萬，奸僧肆其狡黠，市面因而蕭條，言之殊覺痛恨。惟有從嚴究辦，以挽頽風。本司訪聞上年各處開設繭行，紛紛在錫金等處分投購繭，此等商民，並無實在資本，類皆借用莊款，以致蘇城各錢莊被錫金各莊欠去約十萬兩之譜，不能如期歸還，遺夥前往收賬，飾詞推諉，種種刁難，在該奸僧以爲一經倒閉，大都請人調處折償了事，即使入訟到官，亦或因錢債細故，希冀調停息結，殊不知誑騙財物，律有明條，斷不能爲爾等稍從寬假。查律載負欠私債，違約不還者，五兩以上，違三月，笞一十，每一月加一等罪止，笞四十，五十兩以上，違三月，笞二十，每一月加一等罪止，笞五十，百兩以上，違三月，笞三十，每一月加一等罪止，杖六十。

並追本利給主。又例載牙行侵欠控追之案，審係設計誑騙吞入已者，照誑騙本律計贓治罪。一百二十兩以上，問擬滿流，追贓給主。若係分散客店牙行，並無中飽者，一千兩以上，照例勒追，一年不完，依負欠私債律治罪。一千兩以上，監禁嚴追，一年不完，於負欠私債律上加三等杖九十。所欠之銀，仍追給主。又律載受寄人財物畜產而輒費用者，坐贓論，以坐贓致罪律減一等罪止，杖九十。徒二年半。詐言死失者，在竊盜論減一等罪止，杖一百，徒三年。免刺，並追物還主。又查定例京城錢舖，因存借銀兩，聚積益多，遂萌奸計，藏匿現銀，閉門逃走者，立即拘拿監禁，一面將寓所資財及原籍家產分別查封押追，勒限兩個月，將侵蝕藏匿銀錢全數開發完竣。起意關閉之犯，枷號兩個月，杖一百。若逾限不完，照誑騙財物律計贓科罪。一百二十兩以上，發附近充軍，一千兩以上，發黑龍江當差。一萬兩以上，擬絞監候，均應勒限監追，限滿不繳。

永遠監禁。定例何等森嚴。歷經各前司申明嚴切。示禁在案。刻下
繭絲早經上市。蘇城如吞此。諒別處亦在所不免。際此振興商務
之時。誠恐該商民日久玩生。復萌故智。不得不重申例禁。庶使奸
儇惕於功令。不敢復肆狡黠。致仍蹈侵折減之轍。合行出示曉諭。
爲此示仰行號舖戶諸色人等知悉。爾等務各安心貿易。信義往
來。切勿侵挪虧倒。設計誑財。倘敢故違。一經控告。定卽由地方官
分別儘法懲辦。決不寬貸。其各凜遵毋違。切切特示。錄滬報

通商

